



教育部高等学校中医学类专业教学指导委员会  
**2020 年全国中医经典等级考试试点联考**

**考  
试  
大  
纲**

**( 一 级 )**

2020.9

# 目录

内经篇.....	1
素问.....	1
上古天真论篇第一.....	1
四气调神大论篇第二.....	1
生气通天论篇第三.....	2
金匱真言论篇第四.....	2
阴阳应象大论篇第五.....	3
灵兰秘典论篇第八.....	3
六节藏象论篇第九.....	4
五脏别论篇第十一.....	4
汤液醪醴论篇第十四.....	5
脉要精微论篇第十七.....	5
平人气象论篇第十八.....	6
玉机真脏论篇第十九.....	6
经脉别论篇第二十一.....	6
宣明五气篇第二十三.....	6
通评虚实论篇第二十八.....	6
太阴阳明论篇第二十九.....	7
热论篇第三十一.....	7
评热病论篇第三十三.....	7
咳论篇第三十八.....	8
举痛论篇第三十九.....	8
风论篇第四十二.....	8
痺论篇第四十三.....	8
痿论篇第四十四.....	9
水热穴论篇第六十一.....	9
调经论篇第六十二.....	9
六微旨大论篇第六十八.....	10
五常政大论篇第七十.....	10
六元正纪大论篇第七十一.....	10
至真要大论篇第七十四.....	10
灵枢.....	11
本输第二.....	11
本神第八.....	11
营卫生会第十八.....	12
决气第三十.....	12
本脏第四十七.....	13
五色第四十九.....	13
天年第五十四.....	13

百病始生第六十六.....	13
刺节真邪第七十五.....	14
大惑论第八十.....	14
伤寒论篇.....	14
辨太阳病脉证并治上.....	14
辨太阳病脉证并治中.....	16
辨太阳病脉证并治下.....	21
辨阳明病脉证并治.....	24
辨少阳病脉证并治.....	26
辨太阴病脉证并治.....	26
辨少阴病脉证并治.....	27
辨厥阴病脉证并治.....	28
辨霍乱病脉证并治.....	29
辨阴阳易差后劳复病脉证并治.....	29
金匱要略篇.....	30
脏腑经络先后病脉证第一.....	30
痉湿喝病脉证治第二.....	30
百合狐惑阴阳毒病脉证治第三.....	32
疟病脉证治第四.....	32
中风历节病脉证并治第五.....	33
血痹虚劳病脉证并治第六.....	33
妇人产后病脉证治第二十一.....	46
妇人杂病脉证并治第二十二.....	46
温病学篇.....	47
温热论.....	47
湿热病篇.....	48
温病条辨.....	49
上焦篇.....	49
中焦篇.....	52
下焦篇.....	55
杂说 治病法论.....	56
外感温病篇.....	56
温疫论.....	56
原序.....	56
上卷 原病.....	56
上卷 温疫初起.....	56
上卷 注意逐邪勿拘结粪.....	57
下卷 统论疫有九传治法.....	57
广温疫论.....	57
卷之四 下法.....	57
三时伏气外感篇.....	57

# 内经篇

## 素问

### 上古天真论篇第一

①上古之人，其知道者，法于阴阳，和于术数，饮食有节，起居有常，不妄作劳，故能形与神俱，而尽终其天年，度百岁乃去。

①夫上古圣人之教下也，皆谓之虚邪贼风，避之有时，恬惓虚无，真气从之，精神内守，病安从来。

①帝曰：人年老而无子者，材力尽耶？将天数然也？岐伯曰：女子七岁肾气盛，齿更发长。二七而天癸至，任脉通，太冲脉盛，月事以时下，故有子。三七肾气平均，故真牙生而长极。四七筋骨坚，发长极，身体盛壮。五七阳明脉衰，面始焦，发始堕。六七三阳脉衰于上，面皆焦，发始白。七七任脉虚，太冲脉衰少，天癸竭，地道不通，故形坏而无子也。丈夫八岁肾气实，发长齿更。二八肾气盛，天癸至，精气溢泻，阴阳和，故能有子。三八肾气平均，筋骨劲强，故真牙生而长极。四八筋骨隆盛，肌肉满壮。五八肾气衰，发堕齿槁。六八阳气衰竭于上，面焦，发鬓颁白。七八肝气衰，筋不能动，天癸竭，精少，肾脏衰，形体皆极。八八则齿发去。肾者主水，受五脏六腑之精而藏之，故五脏盛，乃能泻。今五脏皆衰，筋骨解堕，天癸尽矣，故发鬓白，身体重，行步不正，而无子耳。

### 四气调神大论篇第二

①夫四时阴阳者，万物之根本也，所以圣人春夏养阳，秋冬养阴，以从其根，故与万物沉浮于生长之门。逆其根，则伐其本，坏其真矣。

①圣人不治已病，治未病，不治已乱，治未乱，此之谓也。夫病已成而后药之，乱已成而后治之，譬犹渴而穿井，斗而铸锥，不亦晚乎？

## 生气通天论篇第三

①阳气者，若天与日，失其所，则折寿而不彰，故天运当以日光明。是故阳因而上，卫外者也。

①因于寒，欲如运枢，起居如惊，神气乃浮。因于暑，汗，烦则喘喝，静则多言，体若燔炭，汗出而散。因于湿，首如裹，湿热不攘，大筋软短，小筋弛长，软短为拘，弛长为痿。因于气，为肿，四维相代，阳气乃竭。

①阳气者，烦劳则张，精绝，辟积于夏，使人煎厥。目盲不可以视，耳闭不可以听，溃溃乎若坏都，汨汨乎不可止。阳气者，大怒则形气绝，而血菀于上，使人薄厥。有伤于筋，纵，其若不容。汗出偏沮，使人偏枯。汗出见湿，乃生痲痹。高粱之变，足生大丁，受如持虚。劳汗当风，寒薄为皴，郁乃痲。

①阳气者，静则养神，柔则养筋。

①故病久则传化，上下不并，良医弗为。

①故阳气者，一日而主外。平旦人气生，日中而阳气隆，日西而阳气已虚，气门乃闭。是故暮而收拒，无扰筋骨，无见雾露，反此三时，形乃困薄。

①阴者藏精而起亟也，阳者卫外而为固也。

①凡阴阳之要，阳密乃固。两者不和，若春无秋，若冬无夏，因而和之，是谓圣度。故阳强不能密，阴气乃绝。阴平阳秘，精神乃治；阴阳离决，精气乃绝。

①阴之所生，本在五味；阴之五官，伤在五味。

①是故谨和五味，骨正筋柔，气血以流，腠理以密，如是则骨气以精，谨道如法，长有天命。

## 金匱真言论篇第四

①夫精者，身之本也。故藏于精者，春不病温。

## 阴阳应象大论篇第五

①阴阳者，天地之道也，万物之纲纪，变化之父母，生杀之本始，神明之府也。治病必求于本。

①清气在下，则生飧泄；浊气在上，则生腹胀。此阴阳反作，病之逆从也。

①故清阳出上窍，浊阴出下窍；清阳发腠理，浊阴走五脏；清阳实四肢，浊阴归六腑。

①壮火之气衰，少火之气壮。壮火食气，气食少火。壮火散气，少火生气。气味，辛甘发散为阳，酸苦涌泄为阴。阴胜则阳病，阳胜则阴病。阳胜则热，阴胜则寒，重寒则热，重热则寒。

①风胜则动，热胜则肿，燥胜则干，寒胜则浮，湿胜则濡泻。

①天地者，万物之上下也；阴阳者，血气之男女也；左右者，阴阳之道路也；水火者，阴阳之征兆也；阴阳者，万物之能始也。故曰：阴在内，阳之守也；阳在外，阴之使也。

①邪风之至，疾如风雨，故善治者治皮毛，其次治肌肤，其次治筋脉，其次治六腑，其次治五脏。治五脏者，半死半生也。

①故善用针者，从阴引阳，从阳引阴，以右治左，以左治右，以我知彼，以表知里，以观过与不及之理，见微得过，用之不殆。

①善诊者，察色按脉，先别阴阳。审清浊，而知部分；视喘息，听音声，而知所苦；观**权衡规矩**，而知病所主；**按尺寸**，观浮沉滑涩，而知病所生。以治无过，以诊则不失矣。

①病之始起也，可刺而已，其盛，可待衰而已。因其轻而扬之，因其重而减之，因其衰而彰之。形不足者，温之以气；精不足者，补之以味。其高者，因而越之；其下者，引而竭之；中满者，泻之于内；其有邪者，渍形以为汗；其在皮者，汗而发之；其慄悍者，按而收之；其实者，散而泻之。审其阴阳，以别柔刚，阳病治阴，阴病治阳，定其血气，各守其乡，血实宜决之，气虚宜掣引之。

## 灵兰秘典论篇第八

①心者，君主之官也，神明出焉；肺者，相傅之官，治节出焉；肝者，将军之官，谋虑出焉；胆者，中正之官，决断出焉；膻中者，臣使之官，喜乐出焉；脾胃者，仓廩之官，五味出焉。大

肠者，传道之官，变化出焉。小肠者，受盛之官，化物出焉。肾者，作强之官，伎巧出焉。三焦者，决渎之官，水道出焉。膀胱者，州都之官，津液藏焉，气化则能出矣。

## 六节藏象论篇第九

①帝曰：藏象何如？岐伯曰：心者，生之本，神之变也，其华在面，其充在血脉，为阳中之太阳，通于夏气。肺者，气之本，魄之处也，其华在毛，其充在皮，为阳中之太阴，通于秋气。肾者，主蛰，封藏之本，精之处也，其华在发，其充在骨，为阴中之少阴，通于冬气。肝者，罢极之本，魂之居也，其华在爪，其充在筋，以生血气，其味酸，其色苍，此为阳中之少阳，通于春气。脾胃大肠小肠三焦膀胱者，仓廩之本，营之居也，名曰器，能化糟粕，转味而入出者也，其华在唇四白，其充在肌，其味甘，其色黄，此至阴之类，通于土气。凡十一脏取决于胆也。

## 五脏别论篇第十一

①脑、髓、骨、脉、胆、女子胞，此六者，地气之所生也，皆藏于阴而象于地，故藏而不泻，名曰奇恒之腑。夫胃、大肠、小肠、三焦、膀胱，此五者，天气之所生也，其气象天，故泻而不藏，此受五脏浊气，名曰传化之腑。此不能久留，输泻者也。魄门亦为五脏使，水谷不得久藏。所谓五脏者，藏精气而不泻也，故满而不能实。六腑者，传化物而不藏，故实而不能满也。

①帝曰：气口何以独为五脏主？岐伯曰：胃者水谷之海，六腑之大源也。五味入口，藏于胃，以养五脏气，气口亦太阴也。是以五脏六腑之气味，皆出于胃，变见于气口。故五气入鼻，藏于心肺，心肺有病，而鼻为之不利也。

## 汤液醪醴论篇第十四

①岐伯曰：病为本，工为标，标本不得，邪气不服，此之谓也。

①帝曰：其有不从毫毛而生，五脏阳以竭也。津液充郭，其魄独居，孤精于内，气耗于外，形不可与衣相保，此四极急而动中，是气拒于内而形施于外，治之奈何？岐伯曰：平治于权衡，去宛陈莖，微动四极，温衣，缪刺其处，以复其形。开鬼门，洁净府，精以时服，五阳以布，疏涤五脏。故精自生，形自盛，骨肉相保，巨气乃平。

## 脉要精微论篇第十七

①诊法常以平旦，阴气未动，阳气未散，饮食未进，经脉未盛，络脉调匀，气血未乱，故乃可诊有过之脉。

①切脉动静而视精明，察五色，观五脏有余不足，六腑强弱，形之盛衰，以此参伍，决死生之分。

①夫脉者，血之府也。长则气治，短则气病；数则烦心，大则病进；上盛则气高，下盛则气胀；代则气衰，细则气少，濡则心痛；浑浑革至如涌泉，病进而色弊；绵绵其去如弦绝，死。

①夫精明五色者，气之华也。赤欲如白裹朱，不欲如赭；白欲如鹅羽，不欲如盐；青欲如苍璧之泽，不欲如蓝；黄欲如罗裹雄黄，不欲如黄土；黑欲如重漆色，不欲如地苍。五色精微象见矣，其寿不久也。夫精明者，所以视万物，别白黑，审短长。以长为短，以白为黑，如是则精衰矣。

①夫五脏者，身之强也。头者精明之府，头倾视深，精神将夺矣；背者胸中之府，背曲肩随，府将坏矣；腰者肾之府，转摇不能，肾将惫矣；膝者筋之府，屈伸不能，行则僂附，筋将惫矣；骨者髓之府，不能久立，行则振掉，骨将惫矣。得强则生，失强则死。

①万物之外，六合之内，天地之变，阴阳之应，彼春之暖，为夏之暑，彼秋之忿，为冬之怒，四变之动，脉与之上下，以春应中规，夏应中矩，秋应中衡，冬应中权。

①是故持脉有道，虚静为保。



## 平人氣象论篇第十八

①平人之常气稟于胃，胃者，平人之常气也，人无胃气曰逆，逆者死。

## 玉机真脏论篇第十九

①帝曰：其时有生者何也？岐伯曰：浆粥入胃，泄注止，则虚者活；身汗得后利，则实者活。此其候也。

## 经脉别论篇第二十一

①勇者气行则已，怯者则着而为病也。

①故春夏秋冬，四时阴阳，生病起于过用，此为常也。

①饮入于胃，游溢精气，上输于脾。脾气散精，上归于肺，通调水道，下输膀胱。水精四布，五经并行，合于四时五脏阴阳，揆度以为常也。

## 宣明五气篇第二十三

①五劳所伤：久视伤血，久卧伤气，久坐伤肉，久立伤骨，久行伤筋，是谓五劳所伤。

## 通评虚实论篇第二十八

①邪气盛则实，精气夺则虚。

## 太阴阳明论篇第二十九

①黄帝问曰：太阴阳明为表里，脾胃脉也。生病而异者何也？岐伯对曰：阴阳异位，更虚更实，更逆更从，或从内或从外，所从不同，故病异名也。

①阳者天气也，主外；阴者地气也，主内。故阳道实，阴道虚。故犯贼风虚邪者阳受之，饮食不节，起居不时者，阴受之。阳受之则入六腑，阴受之则入五脏。入六腑则身热不时卧，上为喘呼；入五脏则■满闭塞，下为飧泄，久为肠澼。故喉主天气，咽主地气。故阳受风气，阴受湿气。

①帝曰：脾病而四支不用何也？岐伯曰：四支皆禀气于胃而不得至经，必因于脾乃得禀也。今脾病不能为胃行其津液，四支不得禀水谷气，气日以衰，脉道不利，筋骨肌肉，皆无气以生，故不用焉。

## 热论篇第三十一

①黄帝问曰：今夫热病者，皆伤寒之类也，或愈或死，其死皆以六七日之间，其愈皆以十日以上者，何也？不知其解，愿闻其故。岐伯对曰：巨阳者，诸阳之属也，其脉连于风府，故为诸阳主气也。人之伤于寒也，则为病热，热虽甚不死；其两感于寒而病者，必不免于死。

①帝曰：治之奈何？岐伯曰：治之各通其脏脉，病日衰已矣。其未三日者，可汗而已；其满三日者，可泄而已。

## 评热病论篇第三十三

①邪之所凑，其气必虚。

## 咳论篇第三十八

①黄帝问曰：肺之令人咳，何也？岐伯对曰：五脏六腑皆令人咳，非独肺也。帝曰：愿闻其状。岐伯曰：皮毛者，肺之合也，皮毛先受邪气，邪气以从其合也。其寒饮食入胃，从肺脉上至于肺，则肺寒，肺寒则外内合邪，因而客之，则为肺咳。五脏各以其时受病，非其时，各传以与之。

## 举痛论篇第三十九

①帝曰：愿闻人之五脏卒痛，何气使然？岐伯对曰：经脉流行不止，环周不休。寒气入经而稽迟，泣而不行，客于脉外则血少，客于脉中则气不通，故卒然而痛。

①余知百病生于气也。怒则气上，喜则气缓，悲则气消，恐则气下，寒则气收，炅则气泄，惊则气乱，劳则气耗，思则气结。

## 风论篇第四十二

①风者，善行而数变。故风者，百病之长也，至其变化，乃为他病也。

## 痹论篇第四十三

①黄帝问曰：痹之安生？岐伯对曰：风寒湿三气杂至合而为痹也。其风气胜者为行痹，寒气胜者为痛痹，湿气胜者为着痹也。

①帝曰：荣卫之气，亦令人痹乎？岐伯曰：荣者，水谷之精气也，和调于五脏，洒陈于腑，乃能入于脉也，故循脉上下，贯五脏，络六腑也。卫者，水谷之悍气也，其气慄疾滑利，不能入于脉也，故循皮肤之中，分肉之间，熏于膏膜，散于胸腹。逆其气则病，从其气则愈，不与风寒湿气合，故不为痹。

## 痿论篇第四十四

①黄帝问曰：五脏使人痿，何也？岐伯对曰：肺主身之皮毛，心主身之血脉，肝主身之筋膜，脾主身之肌肉，肾主身之骨髓。故肺热叶焦，则皮毛虚弱，急薄着则生痿躄也。心气热，则下脉厥而上，上则下脉虚，虚则生脉痿，枢折挈，胫纵而不任地也。肝气热，则胆泄口苦，筋膜干，筋膜干则筋急而挛，发为筋痿。脾气热，则胃干而渴，肌肉不仁，发为肉痿。肾气热，则腰脊不举，骨枯而髓减，发为骨痿。

①帝曰：如夫子言可矣。论言治痿者，独取阳明，何也？岐伯曰：阳明者五脏六腑之海，主润宗筋，宗筋主束骨而利机关也。冲脉者，经脉之海也，主渗灌溪谷，与阳明合于宗筋，阴阳摠宗筋之会，会于气街，而阳明为之长，皆属于带脉，而络于督脉。故阳明虚，则宗筋纵，带脉不引，故足痿不用也。

## 水热穴论篇第六十一

①帝曰：肾何以能聚水而生病？岐伯曰：肾者，胃之关也，关门不利，故聚水而从其类也。上下溢于皮肤，故为附肿。附肿者，聚水而生病也。

①帝曰：诸水皆生于肾乎？岐伯曰：肾者，牝脏也，地气上者属于肾，而生水液也，故曰至阴。勇而劳甚则肾汗出，肾汗出逢于风，内不得入于脏腑，外不得越于皮肤，客于玄府，行于皮里，传为附肿，本之于肾，名曰风水。

## 调经论篇第六十二

①夫心藏神，肺藏气，肝藏血，脾藏肉，肾藏志，而此成形。志意通，内连骨髓，而成身形五脏。五脏之道，皆出于经隧，以行血气，血气不和，百病乃变化而生，是故守经隧焉。

①气血以并，阴阳相倾，气乱于卫，血逆于经，血气离居，一实一虚。

①夫邪之生也，或生于阴，或生于阳。其生于阳者，得之风雨寒暑；其生于阴者，得之饮食居处，阴阳喜怒。

## 六微旨大论篇第六十八

①亢则害，承乃制，制则生化，外列盛衰，害则败乱，生化大病。

①出入废则神机化灭，升降息则气立孤危。故非出入，则无以生长壮老已；非升降，则无以生长化收藏。是以升降出入，无器不有。

## 五常政大论篇第七十

①化不可代，时不可违。

## 六元正纪大论篇第七十一

①风胜则动，热胜则肿，燥胜则干，寒胜则浮，湿胜则濡泄，甚则水闭附肿，随气所在，以言其变耳。

## 至真要大论篇第七十四

①谨察阴阳所在而调之，以平为期，正者正治，反者反治。

①帝曰：善。夫百病之生也，皆生于风寒暑湿燥火，以之化之变也。经言盛者泻之，虚者补之，余锡以方士，而方士用之，尚未能十全，余欲令要道必行，桴鼓相应，犹拔刺雪污，工巧神圣，可得闻乎？岐伯曰：审察病机，无失气宜，此之谓也。

①诸风掉眩，皆属于肝。诸寒收引，皆属于肾。诸气■郁，皆属于肺。诸湿肿满，皆属于脾。诸热瘡癩，皆属于火。诸痛痒疮，皆属于心。诸厥固泄，皆属于下。诸痿喘呕，皆属于上。

诸禁鼓慄，如丧神守，皆属于火。诸痉项强，皆属于湿。诸逆冲上，皆属于火。诸胀腹大，皆属于热。诸躁狂越，皆属于火。诸暴强直，皆属于风。诸病有声，鼓之如鼓，皆属于热。诸病附肿，疼酸惊骇，皆属于火。诸转反戾，水液浑浊，皆属于热。诸病水液，澄澈清冷，皆属于寒。诸呕吐酸，暴注下迫，皆属于热。

①谨守病机，各司其属，有者求之，无者求之，盛者责之，虚者责之，必先五胜，疏其血气，令其调达，而致和平，此之谓也。

①寒者热之，热者寒之，微者逆之，甚者从之，坚者削之，客者除之，劳者温之，结者散之，留者攻之，燥者濡之，急者缓之，散者收之，损者温之，逸者行之，惊者平之，上之下之，摩之浴之，薄之劫之，开之发之，适事为故。

①帝曰：何谓逆从？岐伯曰：逆者正治，从者反治，从少从多，观其事也。帝曰：反治何谓？岐伯曰：热因寒用，寒因热用，塞因塞用，通因通用，必伏其所主，而先其所因，其始则同，其终则异，可使破积，可使溃坚，可使气和，可使必已。帝曰：善。气调而得者何如？岐伯曰：逆之从之，逆而从之，从而逆之，疏气令调，则其道也。

①帝曰：论言治寒以热，治热以寒，而方士不能废绳墨而更其道也。有病热者寒之而热，有病寒者热之而寒，二者皆在，新病复起，奈何治？岐伯曰：诸寒之而热者取之阴，热之而寒者取之阳，所谓求其属也。

## 灵枢

### 本输第二

①肺合大肠，大肠者，传道之腑。心合小肠，小肠者，受盛之腑。肝合胆，胆者，中精之腑。脾合胃，胃者，五谷之腑。肾合膀胱，膀胱者，津液之腑也。少阴属肾，肾上连肺，故将两脏。三焦者，中渎之腑也，水道出焉，属膀胱，是孤之腑也。是六腑之所与合者。

### 本神第八

①故生之来谓之精，两精相搏谓之神，随神往来者谓之魂，并精而出入者谓之魄，所以任

物者谓之心，心有所忆谓之意，意之所存谓之志，因志而存变谓之思，因思而远慕谓之虑，因虑而处物谓之智。

①故智者之养生也，必顺四时而适寒暑，和喜怒而安居处，节阴阳而调刚柔，如是则僻邪不至，长生久视。

①肝藏血，血舍魂，肝气虚则恐，实则怒。脾藏营，营舍意，脾气虚则四肢不用，五脏不安，实则腹胀，经溲不利。心藏脉，脉舍神，心气虚则悲，实则笑不休。肺藏气，气舍魄，肺气虚则鼻塞不利，少气，实则喘喝，胸盈仰息。肾藏精，精舍志，肾气虚则厥，实则胀，五脏不安。

## 营卫生会第十八

①人受气于谷，谷入于胃，以传与肺，五脏六腑，皆以受气，其清者为营，浊者为卫，营在脉中，卫在脉外，营周不休，五十而复大会，阴阳相贯，如环无端。卫气行于阴二十五度，行于阳二十五度，分为昼夜，故气至阳而起，至阴而止。

①上焦如雾，中焦如沤，下焦如渫，此之谓也。

## 决气第三十

①黄帝曰：余闻人有精、气、津、液、血、脉，余意以为一气耳，今乃辨为六名，余不知其所以然。岐伯曰：两神相搏，合而成形，常先身生，是谓精。何谓气？岐伯曰：上焦开发，宣五谷味，熏肤充身泽毛，若雾露之溉，是谓气。何谓津？岐伯曰：腠理发泄，汗出溱溱，是谓津。何谓液？岐伯曰：谷入气满，淖泽注于骨，骨属屈伸，洩泽补益脑髓，皮肤润泽，是谓液。何谓血？岐伯曰：中焦受气取汁，变化而赤，是谓血。何谓脉？岐伯曰：壅遏营气，令无所避，是谓脉。

①黄帝曰：六气者，有余不足，气之多少，脑髓之虚实，血脉之清浊，何以知之？岐伯曰：精脱者，耳聋；气脱者，目不明；津脱者，腠理开，汗大泄；液脱者，骨属屈伸不利，色夭，

脑髓消，胫酸，耳数鸣；血脱者，色白，天然不泽，其脉空虚，此其候也。

①黄帝曰：六气者，贵贱何如？岐伯曰：六气者，各有部主也，其贵贱善恶，可为常主，然五谷与胃为大海也。

## 本脏第四十七

①人之血气精神者，所以奉生而周于性命者也；经脉者，所以行血气而营阴阳、濡筋骨，利关节者也；卫气者，所以温分肉，充皮肤，肥腠理，司开阖者也；志意者，所以御精神，收魂魄，适寒温，和喜怒者也。是故血和则经脉流行，营复阴阳，筋骨劲强，关节清利矣；卫气和则分肉解利，皮肤调柔，腠理致密矣；志意和则精神专直，魂魄不散，悔怒不起，五脏不受邪矣；寒温和则六腑化谷，风痹不作，经脉通利，肢节得安矣，此人之常平也。五脏者，所以藏精神血气魂魄者也；六腑者，所以化水谷而行津液者也。

## 五色第四十九

①沉浊为内，浮泽为外，黄赤为风，青黑为痛，白为寒，黄而膏润为脓，赤甚者为血，痛甚为挛，寒甚为皮不仁。五色各见其部，察其浮沉，以知浅深；察其泽夭，以观成败；察其散抟，以知远近；视色上下，以知病处；积神于心，以知往今。

## 天年第五十四

①以母为基，以父为楛，失神者死，得神者生也。

## 百病始生第六十六

①黄帝问于岐伯曰：夫百病之始生也，皆生于风雨寒暑，清湿喜怒。喜怒不节则伤脏，风



雨则伤上，清湿则伤下。三部之气，所伤异类，愿闻其会。岐伯曰：三部之气各不同，或起于阴，或起于阳，请言其方。喜怒不节则伤脏，脏伤则病起于阴也；清湿袭虚，则病起于下；风雨袭虚，则病起于上，是谓三部。至于其淫泆，不可胜数。

①风雨寒热，不得虚，邪不能独伤人。卒然逢疾风暴雨而不病者，盖无虚，故邪不能独伤人，此必因虚邪之风，与其身形，两虚相得，乃客其形，两实相逢，众人肉坚。其中于虚邪也，因于天时，与其身形，参以虚实，大病乃成。气有定舍，因处为名，上下中外，分为三员。

①黄帝曰：其生于阴者奈何？岐伯曰：忧思伤心；重寒伤肺；忿怒伤肝；醉以入房，汗出当风伤脾；用力过度，若入房汗出浴则伤肾。此内外三部之所生病者也。

## 刺节真邪第七十五

①真气者，所受于天，与谷气并而充身也。

## 大惑论第八十

①五脏六腑之精气，皆上注于目而为之精。精之窠为眼，骨之精为瞳子，筋之精为黑眼，血之精为络，其窠气之精为白眼，肌肉之精为约束，裹撷筋骨血气之精而与脉并为系，上属于脑，后出于项中。

## 伤寒论篇

### 辨太阳病脉证并治上

①太阳之为病，脉浮，头项强痛而恶寒。(1)

①太阳病，发热，汗出，恶风，脉缓者，名为中风。(2)

①太阳病，或已发热，或未发热，必恶寒，体痛呕逆，脉阴阳俱紧者，名为伤寒。(3)

①太阳病，发热而渴，不恶寒者，为温病。(6)

①病有发热恶寒者，发于阳也；无热恶寒者，发于阴也。(7)

①病人身大热，反欲得近衣者，热在皮肤，寒在骨髓也；身大寒，反不欲近衣者，寒在皮肤，热在骨髓也。(11)

①太阳中风，阳浮而阴弱，阳浮者，热自发；阴弱者，汗自出，啬啬恶寒，淅淅恶风，翕翕发热，鼻鸣干呕者，桂枝汤主之。(12)

#### 桂枝汤方

桂枝<sub>三两，去皮</sub>芍药<sub>三两</sub>甘草<sub>二两，炙</sub>生姜<sub>三两，切</sub>大枣<sub>十二枚，擘</sub>

上五味，■咀三味。以水七升，微火煮取三升，去滓，适寒温，服一升。服已须臾，啜热稀粥一升余，以助药力。温覆令一时许，遍身皦皦微似有汗者益佳，不可令如水流漓，病必不除。若一服汗出病差，停后服，不必尽剂。若不汗，更服依前法。又不汗，后服小促其间，半日许，令三服尽。若病重者，一日一夜服，周时观之。服一剂尽，病证犹在者，更作服。若汗不出者，乃服至二三剂。禁生冷、黏滑、肉面、五辛、酒酪、臭恶等物。

①太阳病，头痛，发热，汗出，恶风，桂枝汤主之。(13)

①太阳病，项背强■■，反汗出恶风者，桂枝加葛根汤主之。(14)

#### 桂枝加葛根汤方

葛根<sub>四两</sub>麻黄<sub>三两，去节</sub>芍药<sub>二两</sub>生姜<sub>三两，切</sub>甘草<sub>二两，炙</sub>大枣<sub>十二枚，擘</sub>桂枝<sub>二两，去皮</sub>

上七味，以水一斗，先煮麻黄、葛根，减二升，去上沫，内诸药，煮取三升，去滓。温服一升。覆取微似汗，不须啜粥，余如桂枝法将息及禁忌。

臣亿等谨按：仲景本论，太阳中风自汗用桂枝，伤寒无汗用麻黄。今证云汗出恶风，而方中有麻黄，恐非本意也。第三卷有葛根汤证，云无汗，恶风，正与此方同，是合用麻黄也。此云桂枝加葛根汤，恐是桂枝中但加葛根耳。

①太阳病三日，已发汗，若吐、若下、若温针，仍不解者，此为坏病，桂枝不中与之也。观其脉证，知犯何逆，随证治之。桂枝本为解肌，若其人脉浮紧，发热汗不出者，不可与之也。常须识此，勿令误也。(16)

①喘家，作桂枝汤，加厚朴杏子佳。(18)

①太阳病，发汗，遂漏不止，其人恶风，小便难，四肢微急，难以屈伸者，桂枝加附子汤主之。(20)

#### 桂枝加附子汤方

桂枝<sub>三两，去皮</sub>芍药<sub>三两</sub>甘草<sub>三两，炙</sub>生姜<sub>三两，切</sub>大枣<sub>十二枚，擘</sub>附子<sub>一枚，炮，去皮，破八片</sub>

上六味，以水七升，煮取三升，去滓。温服一升。本云桂枝汤，今加附子。将息如前法。

①太阳病，下之后，脉促胸满者，桂枝去芍药汤主之。(21) 若微寒者，桂枝去芍药加附子汤主之。(22)

桂枝去芍药汤方

桂枝<sub>三两，去皮</sub> 甘草<sub>二两，炙</sub> 生姜<sub>三两，切</sub> 大枣<sub>十二枚，擘</sub>

上四味，以水七升，煮取三升，去滓。温服一升。本云桂枝汤，今去芍药。将息如前法。

桂枝去芍药加附子汤方

桂枝<sub>三两，去皮</sub> 甘草<sub>二两，炙</sub> 生姜<sub>三两，切</sub> 大枣<sub>十二枚，擘</sub> 附子<sub>一枚，炮，去皮，破八片</sub>

上五味，以水七升，煮取三升，去滓，温服一升。本云，桂枝汤今去芍药加附子。将息如前法。

①服桂枝汤，或下之，仍头项强痛，翕翕发热，无汗，心下满微痛，小便不利者，桂枝去桂加茯苓白术汤主之。(28)

桂枝去桂加茯苓白术汤方

芍药<sub>三两</sub> 甘草<sub>二两，炙</sub> 生姜<sub>切</sub> 白术 茯苓<sub>各三两</sub> 大枣<sub>十二枚，擘</sub>

上六味，以水八升，煮取三升，去滓。温服一升。小便利则愈。本云，桂枝汤今去桂枝，加茯苓、白术。

## 辨太阳病脉证并治中

①太阳病，项背强<sub>■</sub>■，无汗，恶风，葛根汤主之。(31)

葛根汤方

葛根<sub>四两</sub> 麻黄<sub>三两，去节</sub> 桂枝<sub>二两，去皮</sub> 生姜<sub>三两，切</sub> 甘草<sub>二两，炙</sub> 芍药<sub>二两</sub> 大枣<sub>十二枚，擘</sub>

上七味，以水一斗，先煮麻黄、葛根，减二升，去白沫，内诸药，煮取三升，去滓。温服一升。覆取微似汗，余如桂枝法将息及禁忌。诸汤皆仿此。

①太阳与阳明合病者，必自下利，葛根汤主之。(32)

①太阳病，桂枝证，医反下之，利遂不止，脉促者，表未解也；喘而汗出者，葛根黄芩黄连汤主之。(34)

葛根黄芩黄连汤方

葛根<sub>半斤</sub> 甘草<sub>二两，炙</sub> 黄芩<sub>三两</sub> 黄连<sub>三两</sub>

上四味，以水八升，先煮葛根，减二升，内诸药，煮取二升，去滓。分温再服。

①太阳病，头痛发热，身疼腰痛，骨节疼痛，恶风无汗而喘者，麻黄汤主之。（35）

麻黄汤方

麻黄<sub>三两，去节</sub> 桂枝<sub>二两，去皮</sub> 甘草<sub>一两，炙</sub> 杏仁<sub>七十枚，去皮尖</sub>

上四味，以水九升，先煮麻黄，减二升，去上沫，内诸药，煮取二升半，去滓。温服八合。覆取微似汗，不须啜粥，余如桂枝法将息。

①太阳中风，脉浮紧，发热恶寒，身疼痛，不汗出而烦躁者，大青龙汤主之。若脉微弱，汗出恶风者，不可服之。服之则厥逆，筋惕肉瞤，此为逆也。（38）

大青龙汤方

麻黄<sub>六两，去节</sub> 桂枝<sub>二两，去皮</sub> 甘草<sub>二两，炙</sub> 杏仁<sub>四十枚，去皮尖</sub> 生姜<sub>三两，切</sub> 大枣<sub>十枚，擘</sub> 石膏<sub>如鸡子大，碎</sub>

上七味，以水九升，先煮麻黄，减二升，去上沫，内诸药，煮取三升，去滓。温服一升，取微似汗。汗出多者，温粉粉之。一服汗者，停后服。若复服，汗多亡阳遂<sub>一作逆</sub>虚，恶风烦躁，不得眠也。

①伤寒表不解，心下有水气，干呕，发热而咳，或渴，或利，或噎，或小便不利、少腹满，或喘者，小青龙汤主之。（40）

小青龙汤方

麻黄<sub>去节</sub> 芍药 细辛 干姜 甘草<sub>炙</sub> 桂枝<sub>各三两，去皮</sub> 五味子<sub>半升</sub> 半夏<sub>半升，洗</sub>

上八味，以水一斗，先煮麻黄，减二升，去上沫，内诸药，煮取三升，去滓。温服一升。若渴，去半夏，加栝楼根三两；若微利，去麻黄，加薤花，如一鸡子，熬令赤色；若噎者，去麻黄，加附子一枚，炮；若小便不利，少腹满者，去麻黄，加茯苓四两；若喘，去麻黄，加杏仁半升，去皮尖。且薤花不治利，麻黄主喘，今此语反之，疑非仲景意。臣亿等谨按：小青龙汤，大要治水。又按

《本草》：薤花下十二水。若水去，利则止也。又按《千金》：形肿者应内麻黄，乃内杏仁者，以麻黄发其阳故也。以此证之，岂非仲景意也。

①太阳病，下之微喘者，表未解故也，桂枝加厚朴杏子汤主之。（43）

桂枝加厚朴杏子汤方

桂枝<sub>三两，去皮</sub> 甘草<sub>二两，炙</sub> 生姜<sub>三两，切</sub> 芍药<sub>三两</sub> 大枣<sub>十二枚，擘</sub> 厚朴<sub>二两，炙，去皮</sub> 杏仁<sub>五十枚，去皮尖</sub>

上七味，以水七升，微火煮取三升，去滓。温服一升，覆取微似汗。

①病常自汗出者，此为荣气和。荣气和者，外不谐，以卫气不共荣气谐和故尔。以荣行脉中，卫行脉外，复发其汗，荣卫和则愈，宜桂枝汤。(53)

①病人脏无他病，时发热，自汗出而不愈者，此为卫气不和也。先其时发汗则愈，宜桂枝汤。(54)

①凡病，若发汗，若吐，若下，若亡血、亡津液，阴阳自和者，必自愈。(58)

①下之后，复发汗，昼日烦躁不得眠，夜而安静，不呕，不渴，无表证，脉沉微，身无大热者，干姜附子汤主之。(61)

干姜附子汤方

干姜<sub>一两</sub> 附子<sub>一枚，生用，去皮，切八片</sub>

上二味，以水三升，煮取一升，去滓。顿服。

①发汗后，身疼痛，脉沉迟者，桂枝加芍药生姜各一两人参三两新加汤主之。(62)

桂枝加芍药生姜各一两人参三两新加汤方

桂枝<sub>三两，去皮</sub> 芍药<sub>四两</sub> 甘草<sub>二两，炙</sub> 人参<sub>三两</sub> 大枣<sub>十二枚，擘</sub> 生姜<sub>四两</sub>

上六味，以水一斗二升，煮取三升，去滓。温服一升。本云，桂枝汤，今加芍药、生姜、人参。

①发汗后，不可更行桂枝汤，汗出而喘，无大热者，可与麻黄杏仁甘草石膏汤。(63)

麻黄杏仁甘草石膏汤方

麻黄<sub>四两，去节</sub> 杏仁<sub>五十个，去皮尖</sub> 甘草<sub>二两，炙</sub> 石膏<sub>半斤，碎，绵裹</sub>

上四味，以水七升，煮麻黄，减二升，去上沫，内诸药，煮取二升，去滓。温服一升。

①发汗过多，其人叉手自冒心，心下悸，欲得按者，桂枝甘草汤主之。(64)

桂枝甘草汤方

桂枝<sub>四两，去皮</sub> 甘草<sub>二两，炙</sub>

上二味，以水三升，煮取一升，去滓。顿服。

①发汗后，其人脐下悸者，欲作奔豚，茯苓桂枝甘草大枣汤主之。(65)

茯苓桂枝甘草大枣汤方

茯苓<sub>半斤</sub> 桂枝<sub>四两，去皮</sub> 甘草<sub>二两，炙</sub> 大枣<sub>十五枚，擘</sub>

上四味，以甘澜水一斗，先煮茯苓，减二升，内诸药，煮取三升，去滓。温服一升，日三

服。

作甘澜水法：取水二斗，置大盆内，以杓扬之，水上有珠子五六千颗相逐，取用之。

①发汗后，腹胀满者，厚朴生姜半夏甘草人参汤主之。(66)

厚朴生姜半夏甘草人参汤方

厚朴<sub>半斤，炙，去皮</sub> 生姜<sub>半斤，切</sub> 半夏<sub>半升，洗</sub> 甘草<sub>二两</sub> 人参<sub>一两</sub>

上五味，以水一斗，煮取三升，去滓。温服一升，日三服。

①伤寒若吐、若下后，心下逆满，气上冲胸，起则头眩，脉沉紧，发汗则动经，身为振振摇者，茯苓桂枝白术甘草汤主之。(67)

茯苓桂枝白术甘草汤方

茯苓<sub>四两</sub> 桂枝<sub>三两，去皮</sub> 白术<sub>各二两，炙</sub> 甘草<sub>各二两，炙</sub>

上四味，以水六升，煮取三升，去滓。分温三服。

①太阳病，发汗后，大汗出，胃中干，烦躁不得眠，欲得饮水者，少少与饮之，令胃气和则愈。若脉浮，小便不利，微热消渴者，五苓散主之。(71)

五苓散方

猪苓<sub>十八铢，去皮</sub> 泽泻<sub>一两六铢</sub> 白术<sub>十八铢</sub> 茯苓<sub>十八铢</sub> 桂枝<sub>半两，去皮</sub>

上五味，捣为散。以白饮和服方寸匕，日三服。多饮暖水，汗出愈。如法将息。

①发汗吐下后，虚烦不得眠，若剧者，必反覆颠倒，心中懊憹，栀子豉汤主之。若少气者，栀子甘草豉汤主之。若呕者，栀子生姜豉汤主之。(76)

栀子豉汤方

栀子<sub>十四个，擘</sub> 香豉<sub>四合，绵裹</sub>

上二味，以水四升，先煮栀子，得二升半，内豉，煮取一升半，去滓。分为二服，温进一服。得吐者，止后服。

栀子甘草豉汤方

栀子<sub>十四个，擘</sub> 甘草<sub>二两，炙</sub> 香豉<sub>四合，绵裹</sub>

上三味，以水四升，先煮栀子、甘草，取二升半，内豉，煮取一升半，去滓。分二服，温进一服。得吐者，止后服。

栀子生姜豉汤方

梔子<sub>十四个，擘</sub> 生姜<sub>五两</sub> 香豉<sub>四合，绵裹</sub>

上三味，以水四升，先煮梔子、生姜，取二升半，内豉，煮取一升半，去滓。分二服，温进一服。得吐者，止后服。

①太阳病发汗，汗出不解，其人仍发热，心下悸，头眩，身瞤动，振振欲擗地者，真武汤主之。(82)

①伤寒，医下之，续得下利清谷不止，身疼痛者，急当救里。后身疼痛，清便自调者，急当救表。救里，宜四逆汤；救表，宜桂枝汤。(91)

①伤寒五六日中风，往来寒热，胸胁苦满，嘿嘿不欲饮食，心烦喜呕。或胸中烦而不呕，或渴，或腹中痛，或胁下痞硬，或心下悸、小便不利，或不渴、身有微热，或咳者，小柴胡汤主之。(96)

小柴胡汤方

柴胡<sub>半斤</sub> 黄芩<sub>三两</sub> 人参<sub>三两</sub> 半夏<sub>半升，洗</sub> 甘草<sub>炙</sub> 生姜<sub>各三两，切</sub> 大枣<sub>十二枚，擘</sub>

上七味，以水一斗二升，煮取六升，去滓，再煎取三升。温服一升，日三服。若胸中烦而不呕者，去半夏、人参，加枳实一枚；若渴，去半夏，加人参合前成四两半，枳实根四两；若腹中痛者，去黄芩，加芍药三两；若胁下痞硬，去大枣，加牡蛎四两；若心下悸，小便不利者，去黄芩，加茯苓四两；若不渴，外有微热者，去人参，加桂枝三两，温覆微汗愈；若咳者，去人参、大枣、生姜，加五味子半升，干姜二两。

①伤寒，阳脉涩，阴脉弦，法当腹中急痛，先与小建中汤，不差者，小柴胡汤主之。(100)

小建中汤方

桂枝<sub>三两，去皮</sub> 甘草<sub>二两，炙</sub> 大枣<sub>十二枚，擘</sub> 芍药<sub>六两</sub> 生姜<sub>三两，切</sub> 胶饴<sub>一升</sub>

上六味，以水七升，煮取三升，去滓，内饴，更上微火消解。温服一升，日三服。呕家不可用建中汤，以甜故也。

①伤寒中风，有柴胡证，但见一证便是，不必悉具。(101)

①太阳病，过经十余日，反二三下之，后四五日，柴胡证仍在者，先与小柴胡；呕不止，心下急，郁郁微烦者，为未解也，与大柴胡汤下之则愈。(103)

大柴胡汤方

柴胡<sub>半斤</sub> 黄芩<sub>三两</sub> 芍药<sub>三两</sub> 半夏<sub>半升，洗</sub> 生姜<sub>五两，切</sub> 枳实<sub>四枚，炙</sub> 大枣<sub>十二枚，擘</sub>

上七味，以水一斗二升，煮取六升，去滓，再煎。温服一升，日三服。一方，加大黄二两，若不加，恐不为大柴胡汤。

①太阳病不解，热结膀胱，其人如狂，血自下，下者愈。其外不解者，尚未可攻，当先解其外；外解已，但少腹急结者，乃可攻之，宜桃核承气汤。(106)

#### 桃核承气汤方

桃仁<sub>五十个，去皮尖</sub> 大黄<sub>四两</sub> 桂枝<sub>二两，去皮</sub> 甘草<sub>二两，炙</sub> 芒硝<sub>二两</sub>

上五味，以水七升，煮取二升半，去滓，内芒硝，更上火，微沸下火。先食温服五合，日三服。当微利。

①伤寒八九日，下之，胸满烦惊，小便不利，谵语，一身尽重，不可转侧者，柴胡加龙骨牡蛎汤主之。(107)

#### 柴胡加龙骨牡蛎汤方

柴胡<sub>四两</sub> 龙骨 黄芩 生姜<sub>切</sub> 铅丹 人参 桂枝<sub>去皮</sub> 茯苓<sub>各一两半</sub> 半夏<sub>二合半，洗</sub> 大黄<sub>二两</sub> 牡蛎<sub>一两半，熬</sub> 大枣<sub>六枚，擘</sub>

上十二味，以水八升，煮取四升，内大黄，切如棋子，更煮一两沸，去滓。温服一升。本云柴胡汤，今加龙骨等。

①烧针令其汗，针处被寒，核起而赤者，必发奔豚。气从少腹上冲心者，灸其核上各一壮，与桂枝加桂汤更加桂二两也。(117)

#### 桂枝加桂汤方

桂枝<sub>五两，去皮</sub> 芍药<sub>三两</sub> 生姜<sub>三两，切</sub> 甘草<sub>二两，炙</sub> 大枣<sub>十二枚，擘</sub>

上五味，以水七升，煮取三升，去滓。温服一升。本云桂枝汤，今加桂满五两。所以加桂者，以能泄奔豚气也。

## 辨太阳病脉证并治下

①伤寒六七日，结胸热实，脉沉而紧，心下痛，按之石硬者，大陷胸汤主之。(135)

①小结胸病，正在心下，按之则痛，脉浮滑者，小陷胸汤主之。(138)

#### 小陷胸汤方

黄连<sub>一两</sub> 半夏<sub>半升，洗</sub> 栝楼实<sub>大者一枚</sub>

上三味，以水六升，先煮栝楼，取三升，去滓，内诸药，煮取二升，去滓。分温三服。



①伤寒六七日，发热微恶寒，支节烦疼，微呕，心下支结，外证未去者，柴胡桂枝汤主之。

(146)

### 柴胡桂枝汤方

桂枝<sub>去皮</sub> 黄芩<sub>二两半</sub> 人参<sub>一两半</sub> 甘草<sub>一两</sub> 炙 半夏<sub>二合半</sub> 洗 芍药<sub>一两半</sub> 大枣<sub>六枚</sub> 擘 生姜<sub>一两半</sub> 切 柴胡<sub>四两</sub>

上九味，以水七升，煮取三升，去滓。温服一升。

①伤寒五六日，已发汗而复下之，胸胁满微结，小便不利，渴而不呕，但头汗出，往来寒热，心烦者，此为未解也，柴胡桂枝干姜汤主之。(147)

### 柴胡桂枝干姜汤方

柴胡<sub>半斤</sub> 桂枝<sub>三两</sub> 去皮 干姜<sub>二两</sub> 栝楼根<sub>四两</sub> 黄芩<sub>三两</sub> 牡蛎<sub>二两</sub> 熬 甘草<sub>二两</sub> 炙

上七味，以水一斗二升，煮取六升，去滓再煎，取三升。温服一升，日三服。初服微烦，复服汗出便愈。

①伤寒五六日，呕而发热者，柴胡汤证具，而以他药下之，柴胡证仍在者，复与柴胡汤。此虽已下之，不为逆，必蒸蒸而振，却发热汗出而解。若心下满而硬痛者，此为结胸也，大陷胸汤主之。但满而不痛者，此为痞，柴胡不中与之，宜半夏泻心汤。(149)

### 半夏泻心汤方

半夏<sub>半升</sub> 洗 黄芩 干姜 人参 甘草<sub>炙</sub> 各<sub>三两</sub> 黄连<sub>一两</sub> 大枣<sub>十二枚</sub> 擘

上七味，以水一斗，煮取六升，去滓再煎，取三升。温服一升，日三服。

①心下痞，按之濡，其脉关上浮者，大黄黄连泻心汤主之。(154)

### 大黄黄连泻心汤方

大黄<sub>二两</sub> 黄连<sub>一两</sub>

上二味，以麻沸汤二升渍之，须臾绞去滓。分温再服。臣亿等谨详，大黄黄连泻心汤，诸本皆二味。又后附子泻心汤，用大

黄、黄连、黄芩、附子，恐是前方中亦有黄芩，后但加附子也。故后云附子泻心汤。本云加附子也。

①伤寒汗出解之后，胃中不和，心下痞硬，干噎食臭，肋下有水气，腹中雷鸣，下利者，生姜泻心汤主之。(157)

### 生姜泻心汤方

生姜<sub>四两</sub> 切 甘草<sub>三两</sub> 炙 人参<sub>三两</sub> 干姜<sub>二两</sub> 黄芩<sub>三两</sub> 半夏<sub>半升</sub> 洗 黄连<sub>一两</sub> 大枣<sub>十二枚</sub> 擘

上八味，以水一斗，煮取六升，去滓，再煎取三升。温服一升，日三服。附子泻心汤，本

云加附子。半夏泻心汤、甘草泻心汤，同体别名耳。生姜泻心汤，本云理中人参黄芩汤，去桂枝、术，加黄连，并泻肝法。

①伤寒中风，医反下之，其人下利日数十行，谷不化，腹中雷鸣，心下痞硬而满，干呕心烦不得安，医见心下痞，谓病不尽，复下之，其痞益甚，此非结热，但以胃中虚，客气上逆，故使硬也，甘草泻心汤主之。(158)

#### 甘草泻心汤方

甘草<sub>四两，炙</sub> 黄芩<sub>三两</sub> 干姜<sub>三两</sub> 半夏<sub>半升，洗</sub> 大枣<sub>十二枚，擘</sub> 黄连<sub>一两</sub>

上六味，以水一斗，煮取六升，去滓，再煎取三升。温服一升，日三服。臣亿等谨按：上生姜泻心汤法。

本云理中人参黄芩汤，今详泻心以疗痞，痞气因发阴而生，是半夏、生姜、甘草泻心三方，皆本于理中也，其方必各有人参，今甘草泻心中无者，脱落之也。又按《千金》并《外台秘要》，

治伤寒 食用此方皆有人参，知脱落无疑。

①伤寒发汗，若吐若下，解后，心下痞硬，噫气不除者，旋覆代赭汤主之。(161)

#### 旋覆代赭汤方

旋覆花<sub>三两</sub> 人参<sub>二两</sub> 生姜<sub>五两</sub> 代赭<sub>一两</sub> 甘草<sub>三两，炙</sub> 半夏<sub>半升，洗</sub> 大枣<sub>十二枚，擘</sub>

上七味，以水一斗，煮取六升，去滓，再煎取三升。温服一升，日三服。

①太阳病，外证未除，而数下之，遂协热而利，利下不止，心下痞硬，表里不解者，桂枝人参汤主之。(163)

#### 桂枝人参汤方

桂枝<sub>四两，别切</sub> 甘草<sub>四两，炙</sub> 白术<sub>三两</sub> 人参<sub>三两</sub> 干姜<sub>三两</sub>

上五味，以水九升，先煮四味，取五升，内桂，更煮取三升，去滓。温服一升，日再夜一服。

①伤寒若吐若下后，七八日不解，热结在里，表里俱热，时时恶风，大渴，舌上干燥而烦，欲饮水数升者，白虎加人参汤主之。(168)

#### 白虎加人参汤方

知母<sub>六两</sub> 石膏<sub>一斤，碎</sub> 甘草<sub>二两，炙</sub> 人参<sub>二两</sub> 粳米<sub>六合</sub>

上五味，以水一斗，煮米熟汤成，去滓。温服一升，日三服。此方立夏后、立秋前乃可服，立秋后不可服。正月、二月、三月尚凛冷，亦不可与服之，与之则呕利而腹痛。诸亡血虚家，亦不可与，得之则腹痛利者，但可温之，当愈。

①太阳与少阳合病，自下利者，与黄芩汤；若呕者，黄芩加半夏生姜汤主之。（172）

黄芩汤方

黄芩<sub>二两</sub>芍药<sub>二两</sub>甘草<sub>二两，炙</sub>大枣<sub>十二枚，擘</sub>

上四味，以水一斗，煮取三升，去滓。温服一升，日再夜一服。

黄芩加半夏生姜汤方

黄芩<sub>二两</sub>芍药<sub>二两</sub>甘草<sub>二两，炙</sub>大枣<sub>十二枚，擘</sub>半夏<sub>半升，洗</sub>生姜<sub>一两半，一方二两，切</sub>

上六味，以水一斗，煮取三升，去滓。温服一升，日再夜一服。

①伤寒，胸中有热，胃中有邪气，腹中痛，欲呕吐者，黄连汤主之。（173）

黄连汤方

黄连<sub>三两</sub>甘草<sub>三两，炙</sub>干姜<sub>三两</sub>桂枝<sub>三两，去皮</sub>人参<sub>二两</sub>半夏<sub>半升，洗</sub>大枣<sub>十二枚，擘</sub>

上七味，以水一斗，煮取六升，去滓。温服，昼三夜二。疑非仲景方。

①伤寒，脉结代，心动悸，炙甘草汤主之。（177）

炙甘草汤方

甘草<sub>四两，炙</sub>生姜<sub>三两，切</sub>人参<sub>二两</sub>生地黄<sub>一斤</sub>桂枝<sub>三两，去皮</sub>阿胶<sub>二两</sub>麦门冬<sub>半升，去心</sub>麻仁<sub>半升</sub>大枣<sub>三十枚，擘</sub>

上九味，以清酒七升，水八升，先煮八味，取三升，去滓，内胶烊消尽。温服一升，日三服。一名复脉汤。

## 辨阳明病脉证并治

①阳明之为病，胃家实是也。（180）

①问曰：阳明病外证云何？答曰：身热，汗自出，不恶寒，反恶热也。（182）

①阳明病，脉迟，虽汗出不恶寒者，其身必重，短气腹满而喘，有潮热者，此外欲解，可攻里也。手足濇然而汗出者，此大便已硬也，大承气汤主之；若汗多，微发热恶寒者，外未解也，其热不潮，未可与承气汤；若腹大满不通者，可与小承气汤，微和胃气，勿令至大泄下。（208）

大承气汤方

大黄<sub>四两，酒洗</sub>厚朴<sub>半斤，炙，去皮</sub>枳实<sub>五枚，炙</sub>芒硝<sub>三合</sub>

上四味，以水一斗，先煮二物，取五升，去滓，内大黄，更煮取二升，去滓，内芒硝，更上微火一两沸。分温再服。得下余勿服。

#### 小承气汤方

大黄<sub>四两</sub>厚朴<sub>二两，炙，去皮</sub>枳实<sub>三枚，大者，炙</sub>

上三味，以水四升，煮取一升二合，去滓。分温二服。初服汤当更衣，不尔者尽饮之。若更衣者，勿服之。

①阳明病，其人多汗，以津液外出，胃中燥，大便必硬，硬则谵语，小承气汤主之。若一服谵语止者，更莫复服。(213)

①三阳合病，腹满身重，难以转侧，口不仁，面垢，谵语遗尿。发汗则谵语。下之则额上生汗，手足逆冷。若自汗出者，白虎汤主之。(219)

①若脉浮发热，渴欲饮水，小便不利者，猪苓汤主之。(223)

#### 猪苓汤方

猪苓<sub>去皮</sub>茯苓 泽泻 阿胶 滑石<sub>碎，各一两</sub>

上五味，以水四升，先煮四味，取二升，去滓，内阿胶烱消。温服七合，日三服。

①阳明病，胁下硬满，不大便而呕，舌上白苔者，可与小柴胡汤。上焦得通，津液得下，胃气因和，身濈然汗出而解。(230)

①阳明病，发热汗出者，此为热越，不能发黄也。但头汗出，身无汗，剂颈而还，小便不利，渴引水浆者，此为瘀热在里，身必发黄，茵陈蒿汤主之。(236)

#### 茵陈蒿汤方

茵陈蒿<sub>六两</sub>栀子<sub>十四枚，擘</sub>大黄<sub>二两，去皮</sub>

上三味，以水一斗二升，先煮茵陈减六升，内二味，煮取三升，去滓。分三服。小便当利，尿如皂荚汁状，色正赤，一宿腹减，黄从小便去也。

①阳明证，其人喜忘者，必有蓄血。所以然者，本有久瘀血，故令喜忘。屎虽硬，大便反易，其色必黑者，宜抵当汤下之。(237)

①食谷欲呕，属阳明也，吴茱萸汤主之。得汤反剧者，属上焦也。(243)

#### 吴茱萸汤方

吴茱萸<sub>一升，洗</sub>人参<sub>三两</sub>生姜<sub>六两，切</sub>大枣<sub>十二枚，擘</sub>

上四味，以水七升，煮取二升，去滓。温服七合，日三服。

① 趺阳脉浮而涩，浮则胃气强，涩则小便数，浮涩相搏，大便则硬，其脾为约，麻子仁丸主之。(247)

麻子仁丸方

麻子仁<sub>二升</sub> 芍药<sub>半斤</sub> 枳实<sub>半斤</sub> 大黄<sub>一斤</sub> 厚朴<sub>二尺</sub> 杏仁<sub>一升</sub>  
去皮尖，熬，别作脂

上六味，蜜和丸如梧桐子大。饮服十丸，日三服，渐加，以知为度。

① 太阳病三日，发汗不解，蒸蒸发热者，属胃也，调胃承气汤主之。(248)

① 伤寒瘀热在里，身必黄，麻黄连轺赤小豆汤主之。(262)

麻黄连轺赤小豆汤方

麻黄<sub>二两</sub> 连轺<sub>二两</sub> 杏仁<sub>四十个</sub> 赤小豆<sub>一升</sub> 大枣<sub>十二枚</sub> 生梓白皮<sub>切，一升</sub> 生姜<sub>二两</sub> 甘草<sub>二两</sub>  
炙

上八味，以潦水一斗，先煮麻黄再沸，去上沫，内诸药，煮取三升，去滓。分温三服，半日服尽。

## 辨少阳病脉证并治

① 少阳之为病，口苦，咽干，目眩也。(263)

## 辨太阴病脉证并治

① 太阴之为病，腹满而吐，食不下，自利益甚，时腹自痛。若下之，必胸下结硬。(273)

① 自利不渴者，属太阴，以其脏有寒故也。当温之，宜服四逆辈。(277)

① 本太阳病，医反下之，因尔腹满时痛者，属太阴也，桂枝加芍药汤主之；大实痛者，桂枝加大黄汤主之。(279)

桂枝加芍药汤方

桂枝<sub>三两</sub> 芍药<sub>六两</sub> 甘草<sub>二两</sub> 大枣<sub>十二枚</sub> 生姜<sub>三两</sub>  
切

上五味，以水七升，煮取三升，去滓。温分三服。本云桂枝汤，今加芍药。

桂枝加大黄汤方

桂枝<sub>三两</sub> 大黄<sub>二两</sub> 芍药<sub>六两</sub> 生姜<sub>三两</sub> 甘草<sub>二两</sub> 大枣<sub>十二枚</sub>  
炙

上六味，以水七升，煮取三升，去滓。温服一升，日三服。

## 辨少阴病脉证并治

①少阴之为病，脉微细，但欲寐也。（281）

①少阴病，欲吐不吐，心烦，但欲寐，五六日自利而渴者，属少阴也。虚故引水自救，若小便色白者，少阴病形悉具。小便白者，以下焦虚有寒，不能制水，故令色白也。（282）

①少阴病，始得之，反发热，脉沉者，麻黄附子细辛汤主之。（301）

麻黄附子细辛汤方

麻黄<sub>二两，去节</sub>细辛<sub>二两</sub>附子<sub>一枚，炮，去皮，破八片</sub>

上三味，以水一斗，先煮麻黄，减二升，去上沫，内诸药，煮取三升，去滓。温服一升，日三服。

①少阴病，得之二三日以上，心中烦，不得卧，黄连阿胶汤主之。（303）

黄连阿胶汤方

黄连<sub>四两</sub>黄芩<sub>二两</sub>芍药<sub>二两</sub>鸡子黄<sub>二枚</sub>阿胶<sub>三两，一云三铢</sub>

上五味，以水六升，先煮三物，取二升，去滓，内胶烊尽，小冷，内鸡子黄，搅令相得。温服七合，日三服。

①少阴病，身体痛，手足寒，骨节痛，脉沉者，附子汤主之。（305）

附子汤方

附子<sub>二枚，炮，去皮，破八片</sub>茯苓<sub>三两</sub>人参<sub>二两</sub>白术<sub>四两</sub>芍药<sub>三两</sub>

上五味，以水八升，煮取三升，去滓。温服一升，日三服。

①少阴病，下利便脓血者，桃花汤主之。（306）

桃花汤方

赤石脂<sub>一斤，一半全用，一半筛末</sub>干姜<sub>一两</sub>粳米<sub>一升</sub>

上三味，以水七升，煮米令熟，去滓。温服七合，内赤石脂末方寸匕，日三服。若一服愈，余勿服。

①少阴病，二三日不已，至四五日，腹痛，小便不利，四肢沉重疼痛，自下利者，此为有水气。其人或咳，或小便利，或下利，或呕者，真武汤主之。（316）

### 真武汤方

茯苓<sub>三兩</sub>芍药<sub>三兩</sub>白朮<sub>二兩</sub>生姜<sub>三兩</sub>切附子<sub>一枚</sub>炮，去皮，破八片

上五味，以水八升，煮取三升，去滓。温服七合，日三服。若咳者，加五味子半升，细辛一两，干姜一两；若小便利者，去茯苓；若下利者，去芍药，加干姜二两；若呕者，去附子，加生姜，足前为半斤。

①少阴病，四逆，其人或咳，或悸，或小便利，或腹中痛，或泄利下重者，四逆散主之。

(318)

### 四逆散方

甘草炙枳实<sub>破，水渍，炙干</sub>柴胡芍药

上四味，各十分，捣筛。白饮和服方寸匕，日三服。咳者，加五味子、干姜各五分，并主下利；悸者，加桂枝五分；小便不利者，加茯苓五分；腹中痛者，加附子一枚，炮令坼；泄利下重者，先以水五升，煮薤白三升，煮取三升，去滓，以散三方寸匕内汤中，煮取一升半，分温再服。

①少阴病，下利六七日，咳而呕渴，心烦不得眠者，猪苓汤主之。(319)

## 辨厥阴病脉证并治

①厥阴之为病，消渴，气上撞心，心中疼热，饥而不欲食，食则吐蛔。下之利不止。(326)

①凡厥者，阴阳气不相顺接，便为厥。厥者，手足逆冷者是也。(337)

①伤寒脉微而厥，至七八日，肤冷，其人躁无暂安时者，此为脏厥，非蛔厥也。蛔厥者，其人当吐蛔。今病者静，而复时烦者，此为脏寒。蛔上入其膈，故烦，须臾复止，得食而呕，又烦者，蛔闻食臭出，其人常自吐蛔。蛔厥者，乌梅丸主之。又主久利。(338)

### 乌梅丸方

乌梅<sub>三百枚</sub>细辛<sub>六兩</sub>干姜<sub>十兩</sub>黄连<sub>十六兩</sub>当归<sub>四兩</sub>附子<sub>六兩</sub>炮，去皮，蜀椒<sub>四兩</sub>出汗，桂枝<sub>去皮，六兩</sub>人参<sub>六兩</sub>黄柏<sub>六兩</sub>

上十味，异捣筛，合治之，以苦酒渍乌梅一宿，去核，蒸之五斗米下，饭熟，捣成泥，和药令相得，内臼中，与蜜杵二千下，丸如梧桐子大。先食饮服十丸，日三服，稍加至二十丸。禁生冷滑物、臭食等。

①伤寒，脉滑而厥者，里有热，白虎汤主之。(350)

①手足厥寒，脉细欲绝者，当归四逆汤主之。(351)

当归四逆汤方

当归<sub>三两</sub>桂枝<sub>三两</sub>，去皮芍药<sub>三两</sub>细辛<sub>三两</sub>甘草<sub>二两</sub>，炙通草<sub>二两</sub>大枣<sub>二十五枚</sub>，擘。一法十二枚

上七味，以水八升，煮取三升，去滓。温服一升，日三服。

①热利下重者，白头翁汤主之。(371)

白头翁汤方

白头翁<sub>二两</sub>黄柏<sub>三两</sub>黄连<sub>三两</sub>秦皮<sub>三两</sub>

上四味，以水七升，煮取二升，去滓。温服一升。不愈，更服一升。

①干呕，吐涎沫，头痛者，吴茱萸汤主之。(378)

①呕而发热者，小柴胡汤主之。(379)

## 辨霍乱病脉证并治

①霍乱，头痛发热，身疼痛，热多欲饮水者，五苓散主之；寒多不饮水者，理中丸主之。

(386)

理中丸方<sub>下有作汤加减法</sub>

人参 干姜 甘草<sub>炙</sub>白术<sub>各三两</sub>

上四味，捣筛，蜜和为丸，如鸡子黄许大。以沸汤数合，和一丸，研碎温服之，日三四，夜二服，腹中未热，益至三四丸，然不及汤。汤法：以四物依两数切，用水八升，煮取三升，去滓。温服一升，日三服。若脐上筑者，肾气动也，去术，加桂四两；吐多者，去术，加生姜三两；下多者，还用术；悸者，加茯苓二两；渴欲得水者，加术，足前成四两半；腹中痛者，加人参，足前成四两半；寒者，加干姜，足前成四两半；腹满者，去术，加附子一枚。服汤后，如食顷，饮热粥一升许，微自温，勿发揭衣被。

## 辨阴阳易差后劳复病脉证并治

①伤寒解后，虚羸少气，气逆欲吐，竹叶石膏汤主之。(397)



竹叶石膏汤方

竹叶<sub>二把</sub>石膏<sub>一斤</sub>半夏<sub>半升，洗</sub>麦门冬<sub>一升，去心</sub>人参<sub>二两</sub>甘草<sub>二两，炙</sub>粳米<sub>半升</sub>

上七味，以水一斗，煮取六升，去滓，内粳米，煮米熟，汤成去米。温服一升，日三服。

## 金匱要略篇

### 脏腑经络先后病脉证第一

①夫治未病者，见肝之病，知肝传脾，当先实脾，四季脾旺不受邪，即勿补之。中工不晓相传，见肝之病，不解实脾，惟治肝也。

夫肝之病，补用酸，助用焦苦，益用甘味之药调之。……肝虚则用此法，实则不在用之。

经曰：虚虚实实，补不足，损有余，是其义也。余脏准此。(1)

①问曰：病有急当救里、救表者，何谓也？师曰：病，医下之，续得下利清谷不止，身体疼痛者，急当救里；后身体疼痛，清便自调者，急当救表也。(14)

①夫病痼疾，加以卒病，当先治其卒病，后乃治其痼疾也。(15)

①夫诸病在脏欲攻之，当随其所得而攻之。如渴者，与猪苓汤。余皆仿此。(17)

### 痉湿喝病脉证治第二

①太阳病，发热无汗，反恶寒者，名曰刚痉。(1)

①太阳病，发热汗出而不恶寒，名曰柔痉。(2)

①太阳病，其证备，身体强，■■然，脉反沉迟，此为痉，栝楼桂枝汤主之。(11)

栝楼桂枝汤方

栝楼根<sub>二两</sub>桂枝<sub>三两</sub>芍药<sub>三两</sub>甘草<sub>二两</sub>生姜<sub>三两</sub>大枣<sub>十二枚</sub>

上六味，以水九升，煮取三升，分温三服，取微汗。汗不出，食顷，啜热粥发之。

①太阳病，关节疼痛而烦，脉沉而细<sub>一作微</sub>者，此名湿痹。<sub>(玉函)云中湿。</sub>湿痹之候，小便不利，大

便反快，但当利其小便。(14)

①风湿相搏，一身尽疼痛，法当汗出而解，值天阴雨不止，医云此可发汗，汗之病不愈者，何也？盖发其汗，汗大出者，但风气去，湿气在，是故不愈也。若治风湿者，发其汗，但微微似欲出汗者，风湿俱去也。(18)

①湿家身烦疼，可与麻黄加术汤发其汗为宜，慎不可以火攻之。(20)

麻黄加术汤方

麻黄<sub>三两，去节</sub> 桂枝<sub>二两，去皮</sub> 甘草<sub>一两，炙</sub> 杏仁<sub>七十个，去皮尖</sub> 白术<sub>四两</sub>

上五味，以水九升，先煮麻黄，减二升，去上沫，内诸药，煮取二升半，去滓，温服八合，覆取微似汗。

①病者一身尽疼，发热，日晡所剧者，名风湿。此病伤于汗出当风，或久伤取冷所致也。可与麻黄杏仁薏苡甘草汤。(21)

麻黄杏仁薏苡甘草汤方

麻黄<sub>去节，半两，汤泡</sub> 甘草<sub>一两，炙</sub> 薏苡仁<sub>半两</sub> 杏仁<sub>十个，去皮尖，炒</sub>

上剉麻豆大，每服四钱匕，水盞半，煮八分，去滓，温服。有微汗，避风。

①风湿，脉浮，身重，汗出，恶风者，防己黄芪汤主之。(22)

防己黄芪汤方

防己<sub>一两</sub> 甘草<sub>半两，炒</sub> 白术<sub>七钱半</sub> 黄芪<sub>一两一分，去芦</sub>

上剉麻豆大，每抄五钱匕，生姜四片，大枣一枚，水盞半，煎八分，去滓，温服，良久再服。喘者，加麻黄半两；胃中不和者，加芍药三分；气上冲者，加桂枝三分；下有陈寒者，加细辛三分。服后当如虫行皮中，从腰下如冰，后坐被上，又以一被绕腰以下，温，令微汗，差。

①伤寒八九日，风湿相搏，身体疼烦，不能自转侧，不呕不渴，脉浮虚而涩者，桂枝附子汤主之；若大便坚，小便自利者，去桂加白术汤主之。(23)

桂枝附子汤方

桂枝<sub>四两，去皮</sub> 生姜<sub>三两，切</sub> 附子<sub>三枚，炮，去皮，破八片</sub> 甘草<sub>二两，炙</sub> 大枣<sub>十二枚，擘</sub>

上五味，以水六升，煮取二升，去滓，分温三服。

白术附子汤方

白术<sub>二两</sub> 附子<sub>一枚半，炮，去皮</sub> 甘草<sub>一两，炙</sub> 生姜<sub>一两半，切</sub> 大枣<sub>六枚</sub>

上五味，以水三升，煮取水一升，去滓，分温三服。一服觉身痹，半日许再服，三服都尽，其人如冒状，勿怪，即是术附并走皮中逐水气，未得除故耳。

## 百合狐惑阴阳毒病脉证治第三

①百合病者，百脉一宗，悉治其病也。意欲食复不能食，常默默，欲卧不能卧，欲行不能行，饮食或有美时，或有不用闻食臭时，如寒无寒，如热无热，口苦，小便赤，诸药不能治，得药则剧吐利，如有神灵者，身形如和，其脉微数。每尿时头痛者，六十日乃愈；若尿时头不痛，渐然者，四十日愈；若尿快然，但头眩者，二十日愈。其证或未病而预见，或病四五日而出，或病二十日，或一月微见者，各随证治之。(1)

①百合病不经吐、下、发汗，病形如初者，百合地黄汤主之。(5)

百合地黄汤方

百合<sub>七枚，擘</sub> 生地黄汁<sub>一升</sub>

上以水洗百合，渍一宿，当白沫出，去其水，更以泉水二升，煎取一升，去滓，内地黄汁，煎取一升五合，分温再服。中病，勿更服。大便常如漆。

①狐惑之为病，状如伤寒，默默欲眠，目不得闭，卧起不安，蚀于喉为惑，蚀于阴为狐，不欲饮食，恶闻食臭，其面目乍赤、乍黑、乍白，蚀于上部则声喝<sub>一作噎</sub>。甘草泻心汤主之。(10)

甘草泻心汤方

甘草<sub>四两</sub> 黄芩 人参 干姜<sub>各三两</sub> 黄连<sub>一两</sub> 大枣<sub>十二枚</sub> 半夏<sub>半升</sub>

上七味，水一斗，煮取六升，去滓，再煎，温服一升，日三服。

## 疟病脉证治第四

①疟母，急治之，宜鳖甲煎丸。(2)

鳖甲煎丸方

鳖甲<sub>十二分，炙</sub> 乌扇<sub>三分，烧</sub> 黄芩<sub>三分</sub> 柴胡<sub>六分</sub> 鼠妇<sub>三分，熬</sub> 干姜<sub>三分</sub> 大黄<sub>三分</sub> 芍药<sub>五分</sub> 桂枝<sub>三分</sub>  
葶苈<sub>一分，熬</sub> 石韦<sub>三分，去毛</sub> 厚朴<sub>三分</sub> 牡丹<sub>五分，去心</sub> 瞿麦<sub>二分</sub> 紫葳<sub>三分</sub> 半夏<sub>一分</sub> 人参<sub>一分</sub> 虫<sub>五分，熬</sub>

阿胶<sub>三分，炙</sub> 蜂巢<sub>四分，熬</sub> 赤消<sub>十二分</sub> 蛭螂<sub>六分，熬</sub> 桃仁<sub>二分</sub>

上二十三味为末，取锻灶下灰一斗，清酒一斛五斗，浸灰，候酒尽一半，着鳖甲于中，煮令泛烂如胶漆，绞取汁，内诸药，煎为丸，如梧子大，空心服七丸，日三服。《千金方》用鳖甲十二片，又有海

藻三分，大戟一分，■虫五分，无鼠妇、赤消二味，以鳖甲煎和诸药为丸。

## 中风历节病脉证并治第五

①邪在于络，肌肤不仁；邪在于经，即重不胜；邪入于腑，即不识人；邪入于脏，舌即难言，口吐涎。(2)

①诸肢节疼痛，身体魁羸，脚肿如脱，头眩短气，温温欲吐，桂枝芍药知母汤主之。(8)

桂枝芍药知母汤方

桂枝<sub>四两</sub> 芍药<sub>三两</sub> 甘草<sub>二两</sub> 麻黄<sub>二两</sub> 生姜<sub>五两</sub> 白术<sub>五两</sub> 知母<sub>四两</sub> 防风<sub>四两</sub> 附子<sub>二两，炮</sub>

上九味，以水七升，煮取二升，温服七合，日三服。

## 血痹虚劳病脉证并治第六

①血痹阴阳俱微，寸口关上微，尺中小紧，外证身体不仁，如风痹状，黄芪桂枝五物汤主之。(2)

黄芪桂枝五物汤方

黄芪<sub>三两</sub> 芍药<sub>三两</sub> 桂枝<sub>三两</sub> 生姜<sub>六两</sub> 大枣<sub>十二枚</sub>

上五味，以水六升，煮取二升，温服七合，日三服。一方有人参。

①夫男子平人，脉大为劳，极虚亦为劳。(3)

①夫失精家少腹弦急，阴头寒，目眩，一作目眶痛。发落，脉极虚芤迟，为清谷，亡血，失精。

脉得诸芤动微紧，男子失精，女子梦交，桂枝加龙骨牡蛎汤主之。(8)

桂枝加龙骨牡蛎汤方 《小品》云：虚羸浮热汗出者除桂，加白薇、附子各三分，故曰二加龙骨汤。

桂枝 芍药 生姜<sub>各三两</sub> 甘草<sub>二两</sub> 大枣<sub>十二枚</sub> 龙骨 牡蛎<sub>各三两</sub>

上七味，以水七升，煮取三升，分温三服。

## 天雄散方

天雄<sub>三两，炮</sub> 白朮<sub>八两</sub> 桂枝<sub>六两</sub> 龙骨<sub>三两</sub>

上四味，杵为散，酒服半钱匕，日三服，不知，稍增之。

①虚劳里急，悸，衄，腹中痛，梦失精，四肢酸疼，手足烦热，咽干口燥，小建中汤主之。

(13)

## 小建中汤方

桂枝<sub>三两，去皮</sub> 甘草<sub>三两，炙</sub> 大枣<sub>十二枚</sub> 芍药<sub>六两</sub> 生姜<sub>二两</sub> 胶饴<sub>一升</sub>

上六味，以水七升，煮取三升，去滓，内胶饴，更上微火消解，温服一升，日三服。呕家不可

用建中汤，以甜故也。《千金》疗男女因积冷气滞，或大病后不复常，苦四肢沉重，骨肉酸疼，吸吸少气，行动喘乏，胸满气急，腰背强痛，心中虚悸，咽干唇燥，面体少色，或饮食无味，

肋肋腹胀，头重不举，多卧少起，甚者积年，轻者百日，渐至瘦弱，五脏气竭，则难可复常，六脉俱不足，虚寒乏气，少腹拘急，羸瘠百病，名曰黄芪建中汤，又有人参二两。

①虚劳腰痛，少腹拘急，小便不利者，八味肾气丸主之。方见脚气中。 (15)

①虚劳诸不足，风气百疾，薯蕷丸主之。(16)

## 薯蕷丸方

薯蕷<sub>三分</sub> 当归 桂枝 曲 干地黄 豆黄卷<sub>各十分</sub> 甘草<sub>二十八分</sub> 人参<sub>七分</sub> 芍药 白朮  
麦门冬 杏仁<sub>各六分</sub> 柴胡 桔梗 茯苓<sub>各五分</sub> 阿胶<sub>七分</sub> 干姜<sub>三分</sub> 白敛<sub>二分</sub> 防风<sub>六分</sub> 大枣<sub>百枚，为膏</sub>

上二十一味，末之，炼蜜和丸，如弹子大，空腹酒服一丸，一百丸为剂。

①虚劳虚烦不得眠，酸枣仁汤主之。(17)

## 酸枣仁汤方

酸枣仁<sub>二升</sub> 甘草<sub>二两</sub> 知母<sub>二两</sub> 茯苓<sub>二两</sub> 芍药<sub>二两</sub>。《深师》有生地黄二两

上五味，以水八升，煮酸枣仁，得六升，内诸药，煮取三升，分温三服。

①五劳虚极羸瘦，腹满不能饮食，食伤、忧伤、饮伤、房室伤、饥伤、劳伤、经路营卫气伤，内有干血，肌肤甲错，两目黯黑。缓中补虚，大黄䟽虫丸主之。(18)

## 大黄䟽虫丸方

大黄<sub>十分，蒸</sub> 黄芩<sub>二两</sub> 甘草<sub>三两</sub> 桃仁<sub>一升</sub> 杏仁<sub>一升</sub> 芍药<sub>四两</sub> 干地黄<sub>十两</sub> 干漆<sub>一两</sub> 虻虫<sub>一升</sub> 水  
蛭<sub>百枚</sub> 蛭<sub>一升</sub> 䟽虫<sub>半升</sub>

上十二味，末之，炼蜜和丸小豆大，酒饮服五丸，日三服。

肺痿肺痛咳嗽上气病脉证治第七

①肺痿吐涎沫而不咳者，其人不渴，必遗尿，小便数，所以然者，以上虚不能制下故也。此为肺中冷，必眩，多涎唾，甘草干姜汤以温之。若服汤已渴者，属消渴。(5)

甘草干姜汤方

甘草<sub>四两，炙</sub> 干姜<sub>二两，炮</sub>

上■咀，以水三升，煮取一升五合，去滓，分温再服。

①咳而上气，喉中水鸡声，射干麻黄汤主之。(6)

射干麻黄汤方

射干<sub>十三枚，一法三两</sub> 麻黄<sub>四两</sub> 生姜<sub>四两</sub> 细辛 紫菀 款冬花<sub>各二两</sub> 五味子<sub>半斤</sub> 大枣<sub>七枚</sub> 半夏<sub>大者，洗，</sub>

<sub>八枚，一法半升</sub>

上九味，以水一斗二升，先煮麻黄两沸，去上沫，内诸药，煮取三升，分温三服。

①大逆上气，咽喉不利，止逆下气者，麦门冬汤主之。(10)

麦门冬汤方

麦门冬<sub>七升</sub> 半夏<sub>二升</sub> 人参<sub>二两</sub> 甘草<sub>二两</sub> 粳米<sub>三合</sub> 大枣<sub>十二枚</sub>

上六味，以水一斗二升，煮取六升，温服一升，日三夜一服。

①肺痛，喘不得卧，葶苈大枣泻肺汤主之。(11)

葶苈大枣泻肺汤方

葶苈<sub>熬令黄色，捣丸如弹子大</sub> 大枣<sub>十二枚</sub>

上先以水三升，煮枣取二升，去枣，内葶苈，煮取一升，顿服。

①咳而上气，此为肺胀，其人喘，目如脱状，脉浮大者，越婢加半夏汤主之。(13)

越婢加半夏汤方

麻黄<sub>六两</sub> 石膏<sub>半斤</sub> 生姜<sub>三两</sub> 大枣<sub>十五枚</sub> 甘草<sub>二两</sub> 半夏<sub>半升</sub>

上六味，以水六升，先煮麻黄，去上沫，内诸药，煮取三升，分温三服。

①肺胀，咳而上气，烦躁而喘，脉浮者，心下有水，小青龙加石膏汤主之。(14)

小青龙加石膏汤方 《千金》证治同，外更加腋下痛引缺盆

麻黄 芍药 桂枝 细辛 甘草 干姜<sub>各三两</sub> 五味子 半夏<sub>各半升</sub> 石膏<sub>二两</sub>

上九味，以水一斗，先煮麻黄，去上洗，内诸药，煮取三升。强人服一升，羸者减之，日

三服，小儿服四合。

①《千金》苇茎汤：治咳有微热、烦满、胸中甲错，是为肺痈。

苇茎<sub>二升</sub> 薏苡仁<sub>半升</sub> 桃仁<sub>五十枚</sub> 瓜瓣<sub>半升</sub>

上四味，以水一斗，先煮苇茎，得五升，去滓，内诸药，煮取二升，服一升，再服，当吐如脓。

#### 奔豚气病脉证治第八

①师曰：奔豚病，从少腹起，上冲咽喉，发作欲死，复还止，皆从惊恐得之。(1)

①奔豚气上冲胸，腹痛，往来寒热，奔豚汤主之。(2)

奔豚汤方

甘草 芎蒭 当归<sub>各二两</sub> 半夏<sub>四两</sub> 黄芩<sub>二两</sub> 生葛<sub>五两</sub> 芍药<sub>二两</sub> 生姜<sub>四两</sub> 甘李根白皮<sub>一升</sub>

上九味，以水二斗，煮取五升，温服一升，日三夜一服。

#### 胸痹心痛短气病脉证治第九

①师曰：夫脉当取太过不及，阳微阴弦，即胸痹而痛，所以然者，责其极虚也。今阳虚知在上焦，所以胸痹、心痛者，以其阴弦故也。(1)

①胸痹之病，喘息咳唾，胸背痛，短气，寸口脉沉而迟，关上小紧数，栝楼薤白白酒汤主之。(3)

栝楼薤白白酒汤方

栝楼实<sub>一枚，搥</sub> 薤白<sub>半升</sub> 白酒<sub>七升</sub>

上三味，同煮，取二升，分温再服。

①胸痹不得卧，心痛彻背者，栝楼薤白半夏汤主之。(4)

栝楼薤白半夏汤方

栝楼实<sub>一枚，搥</sub> 薤白<sub>三两</sub> 半夏<sub>半斤</sub> 白酒<sub>一斗</sub>

上四味，同煮，取四升，温服一升，日三服。

①胸痹缓急者，薏苡附子散主之。(7)

薏苡附子散方

薏苡仁<sub>十五两</sub> 大附子<sub>十枚，炮</sub>

上二味，杵为散，服方寸匕，日三服。

①心痛彻背，背痛彻心，乌头赤石脂丸主之。(9)

乌头赤石脂丸方

蜀椒<sub>一两，一法二分</sub> 乌头<sub>一分，炮</sub> 附子<sub>半两，炮，一法一分</sub> 干姜<sub>一两，一法一分</sub> 赤石脂<sub>一两，一法二分</sub>

上五味，末之，蜜丸如梧子大，先食服一丸，日三服。不知，稍加服。

### 腹满寒疝宿食病脉证治第十

①病腹满，发热十日，脉浮而数，饮食如故，厚朴七物汤主之。(9)

厚朴七物汤方

厚朴<sub>半斤</sub> 甘草 大黄<sub>各三两</sub> 大枣<sub>十枚</sub> 枳实<sub>五枚</sub> 桂枝<sub>二两</sub> 生姜<sub>五两</sub>

上七味，以水一斗，煮取四升，温服八合，日三服。呕者加半夏五合；下利去大黄；寒多者加生姜至半斤。

①腹中寒气，雷鸣切痛，胸胁逆满，呕吐，附子粳米汤主之。(10)

附子粳米汤方

附子<sub>一枚，炮</sub> 半夏<sub>半升</sub> 甘草<sub>二两</sub> 大枣<sub>十枚</sub> 粳米<sub>半升</sub>

上五味，以水八升，煮米熟，汤成，去滓，温服一升，日三服。

①痛而闭者，厚朴三物汤主之。(11)

厚朴三物汤方

厚朴<sub>八两</sub> 大黄<sub>四两</sub> 枳实<sub>五枚</sub>

上三味，以水一斗二升，先煮二味，取五升，内大黄，煮取三升，温服一升，以利为度。

①按之心下满痛者，此为实也，当下之，宜大柴胡汤。(12)

大柴胡汤方

柴胡<sub>半斤</sub> 黄芩<sub>三两</sub> 芍药<sub>三两</sub> 半夏<sub>半升，洗</sub> 枳实<sub>四枚，炙</sub> 大黄<sub>二两</sub> 大枣<sub>十二枚</sub> 生姜<sub>五两</sub>

上八味，以水一斗二升，煮取六升，去滓，再煎，温服一升，日三服。

①胁下偏痛，发热，其脉紧弦，此寒也，以温药下之，宜大黄附子汤。(15)

大黄附子汤方



大黄<sub>三两</sub> 附子<sub>三枚，炮</sub> 细辛<sub>二两</sub>

上三味，以水五升，煮取二升，分温三服；若强人煮取二升半，分温三服，服后如人行四五里，进一服。

①寒疝腹中痛，及胁痛里急者，当归生姜羊肉汤主之。(18)

当归生姜羊肉汤方

当归<sub>三两</sub> 生姜<sub>五两</sub> 羊肉<sub>一斤</sub>

上三味，以水八升，煮取三升，温服七合，日三服。若寒多者加生姜成一斤；痛多而呕者，加橘皮二两、白术一两。加生姜者，亦加水五升，煮取三升二合，服之。

### 五脏风寒积聚病脉证并治第十一

①肝着，其人常欲蹈其胸上，先未苦时，但欲饮热，旋覆花汤主之。臣亿等校诸本旋覆花汤方，皆同。(7)

旋覆花汤方

旋覆花<sub>三两</sub> 葱<sub>十四茎</sub> 新绛<sub>少许</sub>

上三味，以水三升，煮取一升，顿服之。

①肾着之病，其人身体重，腰中冷，如坐水中，形如水状，反不渴，小便自利，饮食如故，病属下焦，身劳汗出，衣<sub>一作裘</sub>里冷湿，久久得之，腰以下冷痛，腹重如带五千钱，甘姜苓术汤主之。(16)

甘草干姜茯苓白术汤方

甘草 白术<sub>各二两</sub> 干姜 茯苓<sub>各四两</sub>

上四味，以水五升，煮取三升，分温三服，腰中即温。

### 痰饮咳嗽病脉证并治第十二

①问曰：夫饮有四，何谓也？师曰：有痰饮，有悬饮，有溢饮，有支饮。(1)

①问曰：四饮何以为异？师曰：其人素盛今瘦，水走肠间，沥沥有声，谓之痰饮。饮后水流在胁下，咳唾引痛，谓之悬饮。饮水流行，归于四肢，当汗出而不汗出，身体疼重，谓之溢饮。咳逆倚息，短气不得卧，其形如肿，谓之支饮。(2)

①病痰饮者，当以温药和之。(15)

①心下有痰饮，胸胁支满，目眩，苓桂术甘汤主之。(16)

### 苓桂术甘汤方

茯苓<sub>四两</sub> 桂枝<sub>三两</sub> 白术<sub>三两</sub> 甘草<sub>二两</sub>

上四味，以水六升，煮取三升，分温三服，小便则利。

①病者脉伏，其人欲自利，利反快，虽利，心下续坚满，此为留饮欲去故也，甘遂半夏汤主之。(18)

### 甘遂半夏汤方

甘遂<sub>大者，三枚</sub> 半夏<sub>十二枚，以水一升，煮取半升，去滓</sub> 芍药<sub>五枚</sub> 甘草<sub>如指大一枚，炙，一本作五</sub>

上四味，以水二升，煮取半升，去滓，以蜜半升，和药汁煎取八合，顿服之。

①病悬饮者，十枣汤主之。(22)

### 十枣汤方

芫花<sub>(熬)</sub> 甘遂 大戟<sub>各等分</sub>

上三味，捣筛，以水一升五合，先煮肥大枣十枚，取八合，去滓，内药末。强人服一钱匕，羸人服半钱，平旦温服之；不下者，明日更加半钱。得快下后，糜粥自养。

①病溢饮者，当发其汗，大青龙汤主之；小青龙汤亦主之。(23)

### 大青龙汤方

麻黄<sub>六两，去节</sub> 桂枝<sub>二两，去皮</sub> 甘草<sub>二两，炙</sub> 杏仁<sub>四十个，去皮尖</sub> 生姜<sub>三两，切</sub> 大枣<sub>十二枚</sub> 石膏<sub>如鸡子大，碎</sub>

上七味，以水九升，先煮麻黄，减二升，去上沫，内诸药，煮取三升，去滓，温服一升，取微似汗。汗多者，温粉粉之。

### 小青龙汤方

麻黄<sub>去节，三两</sub> 芍药<sub>三两</sub> 五味子<sub>半升</sub> 干姜<sub>三两</sub> 甘草<sub>三两，炙</sub> 细辛<sub>三两</sub> 桂枝<sub>三两，去皮</sub> 半夏<sub>半升，汤洗</sub>

上八味，以水一斗，先煮麻黄，减二升，去上沫，内诸药，煮取三升，去滓，温服一升。

①膈间支饮，其人喘满，心下痞坚，面色黧黑，其脉沉紧，得之数十日，医吐下之不愈，木防己汤主之。虚者即愈，实者三日复发，复与不愈者，宜木防己汤去石膏加茯苓芒硝汤主之。

(24)

### 木防己汤方

木防己<sub>三两</sub> 石膏<sub>十二枚，如鸡子大</sub> 桂枝<sub>二两</sub> 人参<sub>四两</sub>

上四味，以水六升，煮取二升，分温再服。

木防己去石膏加茯苓芒硝汤方

木防己 桂枝<sub>各二两</sub> 人参 茯苓<sub>各四两</sub> 芒硝<sub>三合</sub>

上五味，以水六升，煮取二升，去滓，内芒硝，再微煎。分温再服，微利则愈。

①心下有支饮，其人苦冒眩，泽泻汤主之。(25)

泽泻汤方

泽泻<sub>五两</sub> 白术<sub>二两</sub>

上二味，以水二升，煮取一升，分温再服。

①支饮胸满者，厚朴大黄汤主之。(26)

厚朴大黄汤方

厚朴<sub>二尺</sub> 大黄<sub>六两</sub> 枳实<sub>四枚</sub>

上三味，以水五升，煮取二升，分温再服。

①腹满，口舌干燥，此肠间有水气，己椒苈黄丸主之。(29)

防己椒目葶苈大黄丸方

防己 椒目 葶苈<sub>熬</sub> 大黄<sub>各一两</sub>

上四味，末之，蜜丸如梧子大。先食饮服一丸，日三服，稍增，口中有津液。渴者，加芒硝半两。

### 消渴小便不利淋病脉证并治第十三

①男子消渴，小便反多，以饮一斗，小便一斗，肾气丸主之。(3)

①小便不利者，有水气，其人若渴，用栝楼瞿麦丸主之。(10)

栝楼瞿麦丸方

栝楼根<sub>二两</sub> 茯苓 薯蕷<sub>各三两</sub> 附子<sub>一枚，炮</sub> 瞿麦<sub>一两</sub>

上五味，末之，炼蜜丸梧子大。饮服三丸，日三服，不知，增至七八丸，以小便利，腹中温为知。

①小便不利，蒲灰散主之；滑石白鱼散、茯苓戎盐汤并主之。(11)

蒲灰散方

蒲灰<sub>七分</sub> 滑石<sub>三分</sub>

上二味，杵为散，饮服方寸匕，日三服。

滑石白鱼散方

滑石<sub>二分</sub> 乱发<sub>二分，烧</sub> 白鱼<sub>二分</sub>

上三味，杵为散，饮服方寸匕，日三服。

茯苓戎盐汤方

茯苓<sub>半斤</sub> 白术<sub>二两</sub> 戎盐<sub>第九次一枚</sub>

上三味，先将茯苓、白术煎成，入戎盐，再煎，分温三服。

#### 水气病脉证并治第十四

①师曰：病有风水、有皮水、有正水、有石水、有黄汗。风水，其脉自浮，外证骨节疼痛，恶风；皮水，其脉亦浮，外证浮肿，按之没指，不恶风，其腹如鼓，不渴，当发其汗；正水，其脉沉迟，外证自喘；石水，其脉自沉，外证腹满不喘；黄汗，其脉沉迟，身发热，胸满，四肢头面肿，久不愈，必致痈脓。(1)

①里水者，一身面目黄肿，其脉沉，小便不利，故令病水。假如小便自利，此亡津液，故令渴也。越婢加术汤主之。<sub>方见下。</sub>(5)

①脉得诸沉，当责有水，身体肿重。水病脉出者死。(10)

①师曰：诸有水者，腰以下肿，当利小便，腰以上肿，当发汗乃愈。(18)

①风水，脉浮身重，汗出恶风者，防己黄芪汤主之。腹痛加芍药。(22)

①风水恶风，一身悉肿，脉浮不渴，续自汗出，无大热，越婢汤主之。(23)

越婢汤方

麻黄<sub>六两</sub> 石膏<sub>半斤</sub> 生姜<sub>三两</sub> 大枣<sub>十五枚</sub> 甘草<sub>二两</sub>

上五味，以水六升，先煮麻黄，去上沫，内诸药，煮取三升，分温三服。恶风者加附子一枚（炮）。风水加术四两。<sub>古今要验。</sub>

①皮水为病，四肢肿，水气在皮肤中，四肢聂聂动者，防己茯苓汤主之。(24)

防己茯苓汤方

防己<sub>三两</sub> 黄芪<sub>三两</sub> 桂枝<sub>三两</sub> 茯苓<sub>六两</sub> 甘草<sub>二两</sub>

上五味，以水六升，煮取二升，分温三服。

①里水，越婢加术汤主之；甘草麻黄汤亦主之。(25)

甘草麻黄汤方

甘草<sub>二两</sub> 麻黄<sub>四两</sub>

上二味，以水五升，先煮麻黄，去上沫，内甘草，煮取三升。温服一升，重覆汗出，不汗，再服。慎风寒。

①水之为病，其脉沉小，属少阴；浮者为风；无水虚胀者为气；水，发其汗即已。脉沉者宜麻黄附子汤；浮者，宜杏子汤。(26)

麻黄附子汤方

麻黄<sub>三两</sub> 甘草<sub>二两</sub> 附子<sub>二枚，炮</sub>

上三味，以水七升，先煮麻黄，去上沫，内诸药，煮取二升半。温服八分，日三服。

#### 黄疸病脉证并治第十五

①寸口脉浮而缓，浮则为风，缓则为痹。痹非中风，四肢苦烦，脾色必黄，瘀热以行。(1)

①趺阳脉紧而数，数则为热，热则消谷，紧则为寒，食即为满。尺脉浮为伤肾。趺阳脉紧为伤脾。风寒相搏，食谷即眩，谷气不消，胃中苦浊，浊气下流，小便不通，阴被其寒，热流膀胱，身体尽黄，名曰谷疸。额上黑，微汗出，手足中热，薄暮即发，膀胱急，小便自利，名曰女劳疸；腹如水状不治。心中懊憹而热，不能食，时欲吐，名曰酒疸。(2)

①谷疸之为病，寒热不食，食即头眩，心胸不安，久久发黄，为谷疸，茵陈蒿汤主之。(13)

茵陈蒿汤方

茵陈蒿<sub>六两</sub> 栀子<sub>十四枚</sub> 大黄<sub>二两</sub>

上三味，以水一斗，先煮茵陈，减六升，内二味，煮取三升，去滓，分温三服。小便当利，尿如皂角汁状，色正赤，一宿腹减，黄从小便去也。

①酒黄疸，心中懊憹，或热痛，栀子大黄汤主之。(15)

栀子大黄汤方

栀子<sub>十四枚</sub> 大黄<sub>二两</sub> 枳实<sub>五枚</sub> 豉<sub>一升</sub>

上四味，以水六升，煮取二升，分温三服。

①诸病黄家，但利其小便；假令脉浮，当以汗解之，宜桂枝加黄芪汤主之。(16)

①黄疸腹满，小便不利而赤，自汗出，此为表和里实，当下之，宜大黄硝石汤。(19)

大黄硝石汤方

大黄 黄柏 硝石<sub>各四两</sub> 栀子<sub>十五枚</sub>

上四味，以水六升，煮取二升，去滓，内硝，更煮取一升，顿服。

### 惊悸吐衄下血胸满瘀血病脉证治第十六

①病人胸满，唇痿舌青，口燥，但欲漱水不欲咽，无寒热，脉微大来迟，腹不满，其人言我满，为有瘀血。(10)

①心下悸者，半夏麻黄丸主之。(13)

半夏麻黄丸方

半夏 麻黄<sub>二分</sub>

上二味，末之，炼蜜和丸，小豆大，饮服三丸，日三服。

①吐血不止者，柏叶汤主之。(14)

柏叶汤方

柏叶 干姜<sub>各三两</sub> 艾<sub>三把</sub>

上三味，以水五升，取马通汁一升，合煮，取一升，分温再服。

①下血，先便后血，此远血也，黄土汤主之。(15)

黄土汤方<sub>亦主吐血、衄血</sub>

甘草 干地黄 白术 附子<sub>炮</sub> 阿胶 黄芩<sub>各三两</sub> 灶中黄土<sub>半斤</sub>

上七味，以水八升，煮取三升，分温二服。

①下血，先血后便，此近血也，赤小豆当归散主之。(16)

### 呕吐下利病脉证治第十七

①诸呕吐，谷不得下者，小半夏汤主之。(12)

①胃反呕吐者，大半夏汤主之。《千金》云：治胃反不受食，食入即吐。《外台》云：治呕心下痞硬者。(16)

大半夏汤方

半夏<sub>二升，洗用</sub> 人参<sub>三两</sub> 白蜜<sub>一升</sub>

上三味，以水一斗二升，和蜜扬之二百四十遍，煮药取升半，温服一升，余分再服。

①食已即吐者，大黄甘草汤主之。《外台》方又治吐水。（17）

大黄甘草汤方

大黄<sub>四两</sub> 甘草<sub>一两</sub>

上二味，以水三升，煮取一升，分温再服。

①干呕吐逆，吐涎沫，半夏干姜散主之。（20）

半夏干姜散方

半夏 干姜<sub>各等分</sub>

上二味，杵为散，取方寸匕，浆水一升半，煎取七合，顿服之。

①病人胸中似喘不喘，似呕不呕，似哕不哕，彻心中溃溃然无奈者，生姜半夏汤主之。（21）

生姜半夏汤方

半夏<sub>半斤</sub> 生姜汁<sub>一升</sub>

上二味，以水三升，煮半夏，取二升，内生姜汁，煮取一升半，小冷，分四服。日三夜一服。止，停后服。

①哕逆者，橘皮竹茹汤主之。（23）

橘皮竹茹汤方

橘皮<sub>二升</sub> 竹茹<sub>二升</sub> 大枣<sub>三十枚</sub> 人参<sub>一两</sub> 生姜<sub>半斤</sub> 甘草<sub>五两</sub>

上六味，以水一斗，煮取三升，温服一升，日三服。

#### 疮痈肠痈浸淫病脉证并治第十八

①肠痈之为病，其身甲错，腹皮急，按之濡，如肿状，腹无积聚，身无热，脉数，此为腹内有痈脓，薏苡附子败酱散主之。（3）

薏苡附子败酱散方

薏苡仁<sub>十分</sub> 附子<sub>二分</sub> 败酱<sub>五分</sub>

上三味，杵为末，取方寸匕，以水二升，煎减半，顿服。小便当下。

①肠痈者，少腹肿痞，按之即痛如淋，小便自调，时时发热，自汗出，复恶寒。其脉迟紧

者，脓未成，可下之，当有血。脉洪数者，脓已成，不可下也。大黄牡丹汤主之。(4)

#### 大黄牡丹汤方

大黄<sub>四两</sub> 牡丹<sub>二两</sub> 桃仁<sub>五十个</sub> 瓜子<sub>半升</sub> 芒硝<sub>三合</sub>

上五味，以水六升，煮取一升，去滓，内芒硝，再煎沸。顿服之，有脓当下，如无脓，当下血。

### 妇人妊娠病脉证并治第二十

①妇人宿有癥病，经断未及三月，而得漏下不止，胎动在脐上者，为癥瘕害。妊娠六月动者，前三月经水利时，胎也。下血者，后断三月衄也。所以血不止者，其癥不去故也，当下其癥，桂枝茯苓丸主之。(2)

#### 桂枝茯苓丸方

桂枝 茯苓 牡丹<sub>去心</sub> 桃仁<sub>去皮尖，熬</sub> 芍药<sub>各三分</sub>

上五味，末之，炼蜜和丸，如兔屎大，每日食前服一丸，不知，加至三丸。

①师曰：妇人漏下者，有半产后因续下血都不绝者，有妊娠下血者。假令妊娠腹中痛，为胞阻，胶艾汤主之。(4)

芎归胶艾汤方<sub>一方加干姜一两。胡洽治妇人胎动无干姜。</sub>

芎蒭 阿胶 甘草<sub>各二两</sub> 艾叶 当归<sub>各三两</sub> 芍药<sub>四两</sub> 干地黄<sub>四两</sub>

上七味，以水五升，清酒三升，合煮，取三升，去滓，内胶，令消尽。温服一升，日三服，不差更作。

①妇人怀娠，腹中痛，当归芍药散主之。(5)

#### 当归芍药散方

当归<sub>三两</sub> 芍药<sub>一斤</sub> 茯苓<sub>四两</sub> 白术<sub>四两</sub> 泽泻<sub>半斤</sub> 芎蒭<sub>半斤，一作三两</sub>

上六味，杵为散，取方寸匕，酒和，日三服。

①妊娠呕吐不止，干姜人参半夏丸主之。(6)

#### 干姜人参半夏丸方

干姜 人参<sub>各一两</sub> 半夏<sub>二两</sub>

上三味，末之，以生姜汁糊为丸，如梧子大，饮服十丸，日三服。



①妊娠小便难，饮食如故，当归贝母苦参丸主之。(7)

当归贝母苦参丸方 男子加滑石半两

当归 贝母 苦参 各四两

上三味，末之，炼蜜丸如小豆大。饮服三丸，加至十丸。

①妇人妊娠，宜常服当归散主之。(9)

当归散方

当归 黄芩 芍药 芎藭 各一斤 白术 半斤

上五味，杵为散，酒饮服方寸匕，日再服。妊娠常服即易产，胎无疾苦。产后百病悉主之。

## 妇人产后病脉证治第二十一

①问曰：新产妇人有三病，一者病痉，二者病郁冒，三者大便难，何谓也？师曰：新产血虚、多汗出，喜中风，故令病痉；亡血复汗，寒多，故令郁冒；亡津液，胃燥，故大便难。(1)

①产后腹中■痛，当归生姜羊肉汤主之，并治腹中寒疝，虚劳不足。(4)

①产后腹痛，烦满不得卧，枳实芍药散主之。(5)

枳实芍药散方

枳实 烧令黑，勿太过 芍药 等分

上二味，杵为散，服方寸匕，日三服，并主痈脓，以麦粥下之。

①产后中风发热，面正赤，喘而头痛，竹叶汤主之。(9)

竹叶汤方

竹叶 一把 葛根 三两 防风 桔梗 桂枝 人参 甘草 各一两 附子 一枚，炮 大枣 十五枚 生姜 五两

上十味，以水一斗，煮取二升半，分温三服，温覆使汗出。颈项强，用大附子一枚，破之如豆大，煎药扬去沫。呕者加半夏半升，洗。

## 妇人杂病脉证并治第二十二

①妇人咽中如有炙脔，半夏厚朴汤主之。(5)

### 半夏厚朴汤方

半夏<sub>一升</sub> 厚朴<sub>三两</sub> 茯苓<sub>四两</sub> 生姜<sub>五两</sub> 干苏叶<sub>二两</sub>

上五味，以水七升，煮取四升。分温四服，日三夜一服。

①妇人脏躁，喜悲伤欲哭，象如神灵所作，数欠伸，甘麦大枣汤主之。(6)

### 甘草小麦大枣汤方

甘草<sub>三两</sub> 小麦<sub>一升</sub> 大枣<sub>十枚</sub>

上三味，以水六升，煮取三升，温分三服。亦补脾气。

①问曰：妇人年五十所，病下利，数十日不止，暮即发热，少腹里急，腹满，手掌烦热，唇口干燥，何也？师曰：此病属带下。何以故？曾经半产，瘀血在少腹不去。何以知之？其证唇口干燥，故知之。当以温经汤主之。(9)

### 温经汤方

吴茱萸<sub>三两</sub> 当归 芍药<sub>各二两</sub> 人参 桂枝 阿胶 牡丹<sub>去心</sub> 生姜 甘草<sub>各二两</sub> 半夏<sub>半升</sub> 麦门冬<sub>一升，去心</sub>

上十二味，以水一斗，煮取三升，分温三服。亦主妇人少腹寒，久不受胎，兼取崩中去血，或月水来过多，及至期不来。

①妇人少腹满如敦状，小便微难而不渴，生后者，此为水与血并结在血室也，大黄甘遂汤主之。(13)

### 大黄甘遂汤方

大黄<sub>四两</sub> 甘遂<sub>二两</sub> 阿胶<sub>二两</sub>

上三味，以水三升，煮取一升，顿服之，其血当下。

## 温病学篇

### 温热论

①温邪上受，首先犯肺，逆传心包。肺主气属卫，心主血属营，辨营卫气血虽与伤寒同，若论治则与伤寒大异也。(1)

①在表初用辛凉轻剂。挟风则加入薄荷、牛蒡之属，挟湿加芦根、滑石之流。或透风于热

外，或渗湿于热下，不与热相搏，势必孤矣。(2)

①营分受热，则血液受劫，心神不安，夜甚无寐，或斑点隐隐，即撤去气药。(4)

①但诊其脉，若虚软和缓，虽倦卧不语，汗出肤冷，却非脱证；若脉急疾，躁扰不卧，肤冷汗出，便为气脱之证矣。(6)

①大凡看法，卫之后方言气，营之后方言血。在卫汗之可也，到气才可清气，入营犹可透热转气，如犀角、玄参、羚羊角等物，入血就恐耗血动血，直须凉血散血，如生地、丹皮、阿胶、赤芍等物。否则前后不循缓急之法，虑其动手便错，反致慌张矣。(8)

①又有酒客里湿素盛，外邪入里，里湿为合。在阳旺之躯，胃湿恒多；在阴盛之体，脾湿亦不少，然其化热则一。热病救阴犹易，通阳最难。救阴不在血，而在津与汗；通阳不在温，而在利小便，然较之杂证，则有不同也。(9)

①伤寒大便溏为邪已尽，不可再下；湿温病大便溏为邪未尽，必大便硬，慎不可再攻也，以粪燥为无湿矣。(10)

①再人之体，脘在腹上，其地位处于中，按之痛，或自痛，或痞胀，当用苦泄，以其入腹近也。必验之于舌：或黄或浊，可与小陷胸汤或泻心汤，随证治之；或白不燥，或黄白相兼，或灰白不渴，慎不可乱投苦泄。(11)

①凡斑疹初见，须用纸捻照见胸背两胁。点大而在皮肤之上者为斑，或云头隐隐，或琐碎小粒者为疹，又宜见而不宜见多。按方书谓斑色红者属胃热，紫者热极，黑者胃烂，然亦必看外证所合，方可断之。(27)

## 湿热病篇

①湿热证，始恶寒，后但热不寒，汗出胸痞，舌白，口渴不引饮。(1)

①此条乃湿热证之提纲也。湿热证属阳明太阴经者居多，中气实则病在阳明，中气虚则病在太阴。(1，自注)

①始恶寒者，阳为湿遏而恶寒，终非若伤寒伤于表之恶寒也。(1，自注)

①湿热之邪从表伤者十之一二，由口鼻入者十之八九，阳明为水谷之海，太阴为湿土之脏，故多由阳明太阴受病。(1，自注)

①湿热证，恶寒，无汗，身重，头痛，湿在表分，宜藿香、香薷、羌活、苍术皮、薄荷、

牛蒡子等味。头不痛者，去羌活。(2)

①湿热证，恶寒，发热，身重，关节疼痛，湿在肌肉，不为汗解，宜滑石、大豆黄卷、茯苓皮、苍术皮、藿香叶、鲜荷叶、白通草、桔梗等味。不恶寒者，去苍术皮。(3)

①湿热证，数日后，脘中微闷，知饥不食，湿邪蒙绕三焦，宜藿香叶、薄荷叶、鲜荷叶、枇杷叶、佩兰叶、芦尖、冬瓜仁等味。(9)

①湿热证，数日后自利，溺赤，口渴，湿流下焦，宜滑石、猪苓、茯苓、泽泻、萆薢、通草等味。(11)

①凭验舌以投剂，为临证时要诀。(13，自注)

①湿热证七八日，口不渴，声不出，与饮食亦不却，默默不语，神识昏迷，进辛香凉泄，芳香逐秽，俱不效，此邪入厥阴，主客浑受，宜仿吴又可三甲散，醉地鳖虫、醋炒鳖甲、土炒穿山甲、生僵蚕、柴胡、桃仁泥等味。(34)

## 温病条辨

### 上焦篇

①温病者，有风温、有温热、有温疫、有温毒、有暑温、有湿温、有秋燥、有冬温、有温疟。(1)

①凡病温者，始于上焦，在手太阴。(2)

①太阴之为病，脉不缓不紧而动数，或两寸独大，尺肤热，头痛，微恶风寒，身热自汗，口渴，或不渴，而咳，午后热甚者，名曰温病。(3)

①太阴风温、温热、温疫、冬温，初起恶风寒者，桂枝汤主之；但热不恶寒而渴者，辛凉平剂银翘散主之。温毒、暑温、湿温、温疟不在此例。(4)

桂枝汤方

桂枝<sub>六钱</sub> 芍药<sub>炒，三钱</sub> 炙甘草<sub>二钱</sub> 生姜<sub>三片</sub> 大枣<sub>去核，二枚</sub>

煎法服法，必如《伤寒论》原文而后可，不然，不惟失桂枝汤之妙，反生他变，病必不除。

辛凉平剂银翘散方

连翘<sub>一两</sub> 银花<sub>一两</sub> 苦桔梗<sub>六钱</sub> 薄荷<sub>六钱</sub> 竹叶<sub>四钱</sub> 生甘草<sub>五钱</sub> 芥穗<sub>四钱</sub> 淡豆豉<sub>五钱</sub> 牛蒡子<sub>六钱</sub>

上杵为散，每服六钱，鲜苇根汤煎，香气大出，即取服，勿过煎。肺药取轻清，过煮则味厚而入中焦矣。病重者，约二时一服，日三服，夜一服；轻者三时一服，日二服，夜一服；病不解者，作再服。盖肺位最高，药过重则过病所，少用又有病重药轻之患，故从普济消毒饮时清扬法。今人亦间有用辛凉法者，多不见效，盖病大药轻之故，一不见效，随改弦易辙，转去转远，即不更张，缓缓延至数日后，必成中下焦证矣。胸膈闷者，加藿香三钱、郁金三钱，护膻中；渴甚者，加花粉；项肿咽痛者，加马勃、元参；衄者，去芥穗、豆豉，加白茅根三钱、侧柏炭三钱、栀子炭三钱；咳者，加杏仁利肺气；二三日病犹在肺，热渐入里，加细生地、麦冬保津液；再不解，或小便短者，加知母、黄芩、栀子之苦寒，与麦、地之甘寒，合化阴气，而治热淫所胜。

①太阴风温，但咳，身不甚热，微渴者，辛凉轻剂桑菊饮主之。(6)

辛凉轻剂桑菊饮方

杏仁<sub>二钱</sub> 连翘<sub>一钱五分</sub> 薄荷<sub>八分</sub> 桑叶<sub>二钱五分</sub> 菊花<sub>一钱</sub> 苦桔梗<sub>二钱</sub> 甘草<sub>八分</sub> 苇根<sub>二钱</sub>

水二杯，煮取一杯，日二服。二三日不解，气粗似喘，燥在气分者，加石膏、知母；舌绛暮热，甚燥，邪初入营，加元参二钱，犀角一钱；在血分者，去薄荷、苇根，加麦冬、细生地、玉竹、丹皮各二钱；肺热甚加黄芩；渴者加花粉。

①太阴温病，脉浮洪，舌黄，渴甚，大汗，面赤，恶热者，辛凉重剂白虎汤主之。(7)

辛凉重剂白虎汤方

生石膏<sub>研，一两</sub> 知母<sub>五钱</sub> 生甘草<sub>三钱</sub> 白粳米<sub>一合</sub>

水八杯，煮取三杯，分温三服，病退，减后服，不知，再作服。

①白虎本为达热出表，若其人脉浮弦而细者，不可与也；脉沉者，不可与也；不渴者，不可与也；汗不出者，不可与也。常须识此，勿令误也。(9)

①太阴温病，气血两燔者，玉女煎去牛膝加元参主之。(10)

玉女煎去牛膝熟地加细生地元参方（辛凉合甘寒法）

生石膏<sub>一两</sub> 知母<sub>四钱</sub> 元参<sub>四钱</sub> 细生地<sub>六钱</sub> 麦冬<sub>六钱</sub>

水八杯，煮取三杯，分二次服，渣再煮一盅服。

①太阴温病，血从上溢者，犀角地黄汤合银翘散主之。(11)

①邪入心包，舌謇肢厥，牛黄丸主之，紫雪丹亦主之。(17)

①手太阴暑温，如上条证，但汗不出者，新加香薷饮主之。(24)

新加香薷饮方（辛温复辛凉法）

香薷<sub>二钱</sub> 银花<sub>三钱</sub> 鲜扁豆花<sub>三钱</sub> 厚朴<sub>二钱</sub> 连翘<sub>二钱</sub>

水五杯，煮取二杯。先服一杯，得汗止后服；不汗再服；服尽不汗，再作服。

①手太阴暑温，或已经发汗，或未发汗，而汗不止，烦渴而喘，脉洪大有力者，白虎汤主之；脉洪大而芤者，白虎加人参汤主之；身重者，湿也，白虎加苍术汤主之；汗多脉散大，喘喝欲脱者，生脉散主之。(26)

白虎加苍术汤方

即于白虎汤内加苍术三钱。

汗多而脉散大，其为阳气发泄太甚，内虚不司留恋可知。生脉散酸甘化阴，守阴所以留阳，阳留，汗自止也。以人参为君，所以补肺中元气也。

生脉散方（酸甘化阴法）

人参<sub>三钱</sub> 麦冬<sub>不去心，二钱</sub> 五味子<sub>一钱</sub>

水三杯，煮取八分二杯，分二次服，渣再煎服，脉不敛，再作服，以脉敛为度。

①小儿暑温，身热，卒然痉厥，名曰暑痫，清营汤主之，亦可少与紫雪丹。(33)

①暑兼湿热，偏于暑之热者为暑温，多手太阴证而宜清，偏于暑之湿为湿温，多足太阴证而宜温；湿热平等者两解之，各宜分晓，不可混也。(35)

①长夏受暑，过夏而发者，名曰伏暑。(36)

①伏暑、暑温、湿温，证本同源，前后互参，不可偏执。(42)

①头痛恶寒，身重疼痛，舌白不渴，脉弦细而濡，面色淡黄，胸闷不饥，午后身热，状若阴虚，病难速已，名曰湿温。汗之则神昏耳聋，甚则目瞑不欲言；下之则洞泄；润之则病深不解。长夏深秋冬日同法，三仁汤主之。(43)

三仁汤方

杏仁<sub>五钱</sub> 飞滑石<sub>六钱</sub> 白通草<sub>二钱</sub> 白蔻仁<sub>二钱</sub> 竹叶<sub>二钱</sub> 厚朴<sub>二钱</sub> 生薏仁<sub>六钱</sub> 半夏<sub>五钱</sub>

甘澜水八碗，煮取三碗，每服一碗，日三服。

①燥伤肺胃阴分，或热或咳者，沙参麦冬汤主之。(56)

### 沙参麦冬汤（甘寒法）

沙参<sub>三钱</sub> 玉竹<sub>二钱</sub> 生甘草<sub>一钱</sub> 冬桑叶<sub>一钱五分</sub> 麦冬<sub>三钱</sub> 生扁豆<sub>一钱五分</sub> 花粉<sub>一钱五分</sub>

水五杯，煮取二杯，日再服，久热久咳者，加地骨皮三钱。

①燥气化火，清窍不利者，翘荷汤主之。（57）

### 翘荷汤（辛凉法）

薄荷<sub>一钱五分</sub> 连翘<sub>一钱五分</sub> 生甘草<sub>一钱</sub> 黑梔皮<sub>一钱五分</sub> 桔梗<sub>一钱</sub> 绿豆皮<sub>一钱</sub>

水二杯，煮取一杯，顿服之，日服二剂，甚者日三。

加减法：耳鸣者加羚羊角、苦丁茶。目赤者加鲜菊叶、苦丁茶、夏枯草。咽痛者加生蒺子、黄芩。

①诸气■郁，诸痿喘呕之因于燥者，喻氏清燥救肺汤主之。（58）

### 清燥救肺汤方（辛凉甘润法）

石膏<sub>二钱五分</sub> 甘草<sub>一钱</sub> 霜桑叶<sub>三钱</sub> 人参<sub>七分</sub> 杏仁<sub>泥，七分</sub> 胡麻仁<sub>炒研，一钱</sub> 阿胶<sub>八分</sub> 麦冬<sub>不去心，二钱</sub> 枇杷

叶<sub>去净毛，炙，六分</sub>

水一碗，煮六分，频频二三次温服。痰多加贝母、瓜蒌。血枯加生地黄。热甚加犀角、羚羊角，或加生黄。

## 中焦篇

①面目俱赤，语声重浊，呼吸俱粗，大便闭，小便涩，舌苔老黄，甚则黑有芒刺，但恶热不恶寒，日晡益甚者，传至中焦，阳明温病也。脉浮洪躁甚者，白虎汤主之；脉沉数有力，甚则脉体反小而实者，大承气汤主之。暑温、湿温、温症不在此例。（1）

### 白虎汤（方见上焦篇）

### 大承气汤方

大黄<sub>六钱</sub> 芒硝<sub>三钱</sub> 厚朴<sub>三钱</sub> 枳实<sub>三钱</sub>

水八杯，先煮枳、朴，后纳大黄、芒硝，煮取三杯。先服一杯，约二时许，得利止后服，不知，再服一杯，再不知，再服。

①温病由口鼻而入，鼻气通于肺，口气通于胃。肺病逆传则为心包，上焦病不治，则传中焦，胃与脾也，中焦病不治，即传下焦，肝与肾也。始上焦，终下焦。（1，自注）

①本论于阳明下证，峙立三法：热结液干之大实证，则用大承气；偏于热结而液不干者，旁流是也，则用调胃承气；偏于液干多而热结少者，则用增液，所以回护其虚，务存津液之心法也。（11，自注）

①阳明温病，下后汗出，当复其阴，益胃汤主之。（12）

益胃汤方（甘凉法）

沙参<sub>三钱</sub> 麦冬<sub>五钱</sub> 冰糖<sub>一钱</sub> 细生地<sub>五钱</sub> 玉竹<sub>炒香，一钱五分</sub>

水五杯，煮取二杯，分二次服，渣再煮一杯服。

①阳明温病，下之不通，其证有五：应下失下，正虚不能运药，不运药者死，新加黄龙汤主之。喘促不宁，痰涎壅滞，右寸实大，肺气不降者，宣白承气汤主之。左尺牢坚，小便赤痛，时烦渴甚，导赤承气汤主之。邪闭心包，神昏舌短，内窍不通，饮不解渴者，牛黄承气汤主之。津液不足，无水舟停者，间服增液，再不下者，增液承气汤主之。（17）

新加黄龙汤（苦甘咸法）

细生地<sub>五钱</sub> 生甘草<sub>二钱</sub> 人参<sub>一钱五分，另煎</sub> 生大黄<sub>三钱</sub> 芒硝<sub>一钱</sub> 元参<sub>五钱</sub> 麦冬<sub>连心，五钱</sub> 当归<sub>一钱五分</sub>  
海参<sub>洗，二条</sub> 姜汁<sub>六匙</sub>

水八杯，煮取三杯。先用一杯，冲参汁五分、姜汁二匙，顿服之，如腹中有响声，或转矢气者，为欲便也；候一二时不便，再如前法服一杯；候二十四刻，不便，再服第三杯；如服一杯，即得便，止后服，酌服益胃汤一剂（益胃汤方见前），余参或可加入。

宣白承气汤方（苦辛淡法）

生石膏<sub>五钱</sub> 生大黄<sub>三钱</sub> 杏仁粉<sub>二钱</sub> 栝楼皮<sub>一钱五分</sub>

水五杯，煮取二杯，先服一杯，不知再服。

导赤承气汤

赤芍<sub>三钱</sub> 细生地<sub>五钱</sub> 生大黄<sub>三钱</sub> 黄连<sub>二钱</sub> 黄柏<sub>二钱</sub> 芒硝<sub>一钱</sub>

水五杯，煮取二杯，先服一杯，不下再服。

牛黄承气汤

即用前安宫牛黄丸二丸，化开，调生大黄末三钱，先服一半，不知再服。

增液承气汤

即于增液汤内，加大黄三钱，芒硝一钱五分。



水八杯，煮取三杯，先服一杯，不知再服。

①斑疹，用升提，则衄，或厥，或呛咳，或昏痉，用壅补则瞀乱。(23)

①阳明温病，无汗，实证未剧，不可下，小便不利者，甘苦合化，冬地三黄汤主之。(29)

冬地三黄汤方（甘苦合化阴气法）

麦冬<sub>八钱</sub> 黄连<sub>一钱</sub> 苇根汁<sub>半酒杯，冲</sub> 元参<sub>四钱</sub> 黄柏<sub>一钱</sub> 银花露<sub>半酒杯，冲</sub> 细生地<sub>四钱</sub> 黄芩<sub>一钱</sub> 生甘草<sub>三</sub>

钱

水八杯，煮取三杯，分三次服，以小便得利为度。

①温病小便不利者，淡渗不可与也，忌五苓、八正辈。(30)

①脉洪滑，面赤身热头晕，不恶寒，但恶热，舌上黄滑苔，渴欲凉饮，饮不解渴，得水则呕，按之胸下痛，小便短，大便闭者，阳明暑温，水结在胸也，小陷胸汤加枳实主之。(38)

小陷胸汤加枳实汤方（苦辛寒法）

黄连<sub>二钱</sub> 栝楼<sub>三钱</sub> 枳实<sub>二钱</sub> 半夏<sub>五钱</sub>

急流水五杯，煮取二杯，分二次服。

①暑温蔓延三焦，舌滑微黄，邪在气分者，三石汤主之；邪气久留，舌绛苔少，热搏血分者，加味清宫汤主之；神识不清，热闭内窍者，先与紫雪丹，再与清宫汤。(41)

三石汤方

飞滑石<sub>三钱</sub> 生石膏<sub>五钱</sub> 寒水石<sub>三钱</sub> 杏仁<sub>三钱</sub> 竹茹<sub>炒，二钱</sub> 银花<sub>三钱，花露更妙</sub> 金汁<sub>一酒杯，冲</sub> 白通草<sub>二钱</sub>

水五杯，煮成二杯，分二次温服。

加味清宫汤方

即于前清宫汤内加知母三钱，银花二钱，竹沥五茶匙冲入。

①脉缓身痛，舌淡黄而滑，渴不多饮，或竟不渴，汗出热解，继而复热，内不能运水谷之湿，外复感时令之湿，发表攻里，两不可施，误认伤寒，必转坏证，徒清热则湿不退，徒祛湿则热愈炽，黄芩滑石汤主之。(63)

黄芩滑石汤方（苦辛寒法）

黄芩<sub>三钱</sub> 滑石<sub>三钱</sub> 茯苓皮<sub>三钱</sub> 大腹皮<sub>二钱</sub> 白薏仁<sub>一钱</sub> 通草<sub>一钱</sub> 猪苓<sub>三钱</sub>

水六杯，煮取二杯，渣再煮一杯，分温三服。

①痹之因于寒者固多，痹之兼乎热者，亦复不少。(65，自注)

## 下焦篇

①脉虚大，手足心热甚于手足背者，加减复脉汤主之。(1)

①少阴温病，真阴欲竭，壮火复炽，心中烦，不得卧者，黄连阿胶汤主之。(11)

黄连阿胶汤方（苦甘咸寒法）

黄连<sub>四钱</sub> 黄芩<sub>一钱</sub> 阿胶<sub>三钱</sub> 白芍<sub>一钱</sub> 鸡子黄<sub>二枚</sub>

水八杯，先煮三物，取三杯，去滓，纳胶烊尽，再纳鸡子黄，搅令相得，日三服。

①夜热早凉，热退无汗，热自阴来者，青蒿鳖甲汤主之。(12)

青蒿鳖甲汤方（辛凉合甘寒法）

青蒿<sub>二钱</sub> 鳖甲<sub>五钱</sub> 细生地<sub>四钱</sub> 知母<sub>二钱</sub> 丹皮<sub>三钱</sub>

水五杯，煮取二杯，日再服。

①下焦温病，热深厥甚，脉细促，心中憺憺大动，甚则心中痛者，三甲复脉汤主之。(14)

三甲复脉汤方（同二甲汤法）

即于二甲复脉汤内，加生龟板一两。

①热邪久羁，吸烁真阴，或因误表，或因妄攻，神倦瘵瘵，脉气虚弱，舌绛苔少，时时欲脱者，大定风珠主之。(16)

大定风珠方（酸甘咸法）

生白芍<sub>六钱</sub> 阿胶<sub>三钱</sub> 生龟板<sub>四钱</sub> 干地黄<sub>六钱</sub> 麻仁<sub>二钱</sub> 五味子<sub>二钱</sub> 生牡蛎<sub>四钱</sub> 麦冬<sub>连心，六钱</sub> 炙甘草<sub>四钱</sub> 鸡子黄<sub>生，二枚</sub> 鳖甲<sub>生，四钱</sub>

水八杯，煮取三杯，去滓，再入鸡子黄，搅令相得，分三次服。喘加人参，自汗者加龙骨、人参、小麦，悸者加茯神、人参、小麦。

①暑邪深入少阴消渴者，连梅汤主之；入厥阴麻痹者，连梅汤主之；心热烦躁神迷甚者，先与紫雪丹，再与连梅汤。(36)

连梅汤方（酸甘化阴酸苦泄热法）

云连<sub>二钱</sub> 乌梅<sub>去核，三钱</sub> 麦冬<sub>连心，三钱</sub> 生地<sub>三钱</sub> 阿胶<sub>二钱</sub>

水五杯，煮取二杯，分二次服。脉虚大而芤者，加人参。

## 杂说 治病法论

①治上焦如羽（非轻不举），治中焦如衡（非平不安），治下焦如权（非重不沉）。

## 外感温病篇

①风温为病，春月与冬季居多，或恶风，或不恶风，必身热、咳嗽、烦渴，此风温之证提纲也。（1）

## 温疫论

### 原序

①夫温疫之为病，非风、非寒、非暑、非湿，乃天地间别有一种异气所感，其传有九，此治疫紧要关节。

### 上卷 原病

①凡人口鼻之气，通乎天气，本气充满，邪不易入，本气适逢亏欠，呼吸之间，外邪因而乘之。

### 上卷 温疫初起

①温疫初起，先憎寒而后发热，日后但热而无憎寒也。初得之二三日，其脉不浮不沉而数，昼夜发热，日晡益甚，头疼身痛。其时邪在夹脊之前，肠胃之后，虽有头疼身痛，此邪热浮越于经，不可认为伤寒表证，辄用麻黄、桂枝之类强发其汗。此邪不在经，汗之徒伤表气，热亦不减。又不可下，此邪不在里，下之徒伤胃气，其渴愈甚。宜达原饮。

槟榔<sub>二钱</sub> 厚朴<sub>二钱</sub> 草果仁<sub>五分</sub> 知母<sub>二钱</sub> 芍药<sub>二钱</sub> 黄芩<sub>二钱</sub> 甘草<sub>五分</sub>

上用水二盅，煎八分，午后温服。

## 上卷 注意逐邪勿拘结粪

①大凡客邪贵乎早逐，乘人气血未乱，肌肉未消，津液未耗，病人不至危殆，投剂不至掣肘，愈后亦易平复。

## 下卷 统论疫有九传治法

①夫疫之传有九，然亦不出乎表里之间而已矣。所谓九传者，病人各得其一，非谓一病而有九传也。盖温疫之来，邪自口鼻而入，感于膜原，伏而未发者不知不觉。已发之后，渐加发热，脉洪而数，此众人相同，宜达原饮疏之。

## 广瘟疫论

### 卷之四 下法

①下法：时疫下法与伤寒不同，伤寒下不厌迟，时疫下不厌早。伤寒在下其燥结，时疫在下其郁热。伤寒里证当下，必待表证全罢，时疫不论表邪罢与不罢，但兼里证即下。

### 三时伏气外感篇

①夫春温、夏热、秋凉、冬寒，四时之序也。春应温而反大寒，夏应热而反大凉，秋应凉而反大热，冬应寒而反大温，皆不正之乖气也。

①春温一证，由冬令收藏未固，昔人以冬寒内伏，藏于少阴，入春发于少阳，以春木内应肝胆也。寒邪深伏，已经化热，昔贤以黄芩汤为主方，苦寒直清里热，热伏于阴，苦味坚阴，乃正治也。

①风温者，春月受风，其气已温。《经》谓“春气病在头”，治在上焦，肺位最高，邪必先伤。此手太阴气分先病，失治则入手厥阴心包络，血分亦伤。

